

I CINAMATIZYO CABILI



Kwasiya kabotu, beenzuma. Atwi ime aniini buyo ku mupailo, ikuti na mula konzya.

² Taata wesu Wakujulu, twa bungana alubo mu kuswaangana oku kusetekene, sunumasiku, mu mulimo wa Mwami. Elyo Wa kasyomezya kuti kufumbwa nko tuyo swaangana antoomwe, mbuli bunji bobilo na botatwe bwesu, kuti Uyo oba akati kesu. Elyo inga twaba a kanzambwene kuti Mpoli ano, nkambo twa bungana mu Zina Lyakwe.

³ Elyo twa komba, Taata, kuti—kuti Ula sika sunumasiku a kunamatula eci Cinamatizyo Cabili kuli ndiswe. Elyo mbuli i—i sikuyabila mbwa kaamba, inga wayanda kulanga kwiindilila cisitilizyo ca ciindi. Elyo oko nko kuyanda kwesu, Mwami, nku langa buyo tu—buyo kwiindilila a kubona eco cibikkidwe kunembo. Elyo twa komba kuti Kabelele oyo waka jaigwa, aboole akati kesu a kunamatula Cinamatizyo, a—a ku Ci yubununa kuli ndiswe, zintu nzo tubulide kubona.

⁴ Kuli bamwi awa, Mwami, abo batana njila olu luswaanano lupati kuli Kristo. Twa komba, sunumasiku, kuti bayo bamba muzeezo oyo Utamani, ku zuzigwa Muuya wa Leza.

⁵ Ikuti na kuli umwi uuciswa, Taata, twa lomba kuti Uyo baponya. Kuli tutambala tunji tubi kkidwe awa Ntwe bikkide maanza, mu ciibalusyo ca i—ca Bbaibbele, ca Musalali Paulo, oko nkoba kagwisya tutambala a tusila kuzwa ku mubili wakwe. Myuuya mibi yakazwa ku bantu, alimwi baka ponesegwa.

⁶ Tula bona kuswena kwa Kuboola kwa Mwami. Tu lizi kuti ciindi caswena muni. Ezi zintu zya bweeda alubo ku Mbungano, kumane kwiinda myaka ili cuulu a myaanda ili fuka.

⁷ Lino twa lomba, Taata, kuti Uyo pa zintu ezi nzo twa lomba. Koyumya mulanda Wako, alimwi kogwasya balanda Bako bali koonse, Mwami, alimwi kapati swebo notu bungene okuno sunumasiku, kutegwa tu konzye ku tambula Ijwi. Twa lomba mu Zina Iya Jesu. Amen.

⁸ Masimpe ncibotu kujokela mu ng'anda ya Mwami alubo sunumasiku. Elyo Ndi lizi kuti bunji bwanu muliimvwi, Nda—Nda usa ku makani aceeco, pele kwiina acili coonse buyo nco tukonzya kucita. Tu—tu jisi i—i mbungano buyo mbuli. . . kwiungizya oko nko tukonzya kunjizya myaanda yotatwe na yone, myaanda yotatwe na myaanda yone imbi mukati. Pele mu muswaangano musalesale munzila eyi, yalo—yalo ibweza bbunga pati maningi aniini.

⁹ Lino, oh, Ndi jisi biyo ciindi cibotuloko, kupaila, a kwiiya ezi—ezi Zinamatizyo. Nda syoma nyoonse mulacita, anywebo.

[Mbunga yaamba, “Ameni.”—Mul.] Ndili—Ndili masimpe mulacita. Elyo ikuti na Ca amba mbubonya kuli ndinywe mbuli mbo Ca amba kuli ndime, kuli masimpe ii . . . mujisi ciindi cibotuloko. Elyo Ndi jisi ii . . .

¹⁰ Ndi yanda kwiita musimbi wangu, kwamana kuswaangana. Elyo mbuzuba bwakwe bwakuzyalwa. Waa kkwanya myaka ili kkumi aumwi yakukomena, Sarah, mwanawangu musimbi. Elyo butobela, mpawo, buzuba bwazona, Njo ba kwiita kumbi, nkaambo mbuzuba bwakuzyalwa kwa Becky.

¹¹ Elyo lino, sunumasiku, tu langalanga eci Cinamatizyo Cabili. Elyo ku Zinamatizyo zyone zitaanzi kuli basikutanta mbizi bone. Elyo Nda mwaambila, sunu cintucimwi cacitika alubo. Elyo, Ndi—Ndi, cintucimwi eco Ndi . . . Ndi inka kuyo bweza malembo akaindi ayo Nge kajisi, ayo Nge kali kukanana, cindi cakainda, a kukkala buyo alya. Elyo Nda kayeeye, “Ee, Nda—Nda cita cibotu loko eco Nce kakonzya.” Elyo balembi banji a zintu, elyo Nda kayeeya, “Ee, Njo bala aniini, a kulingula a kubona *ceeci* a *ceeco*.” Elyo cintu citaanzi nywebo mulizi, cintucimwi cazwaa kucitika, alimwi cilandeene kumaninina. Ci boola buyo mu bwandeene. Mpawo Ndali kwempela penso cakubinda, a kutalika kulemba cakufwambaana mbuli Mbwe konzya, kuciindi Na liko.

¹² Oh, neintu cimwi buyo cacitika kutandila cisela ca oora cainda. Ndali kwaambila Mukwesu Wood, katuselemuka, maminiti masyoonto buyo ainda. Cintucimwi buyo, nywebo mulizi. Nywebo mulizi, kuli zintu zinji zya citika, tokonzyi buyo kuzyaambaula, nywebo mulizi. Pele cintucimwi buyo cazwaa kucitika candi gwasya maningi.

¹³ Ndi jisi mweenzuma awa abusena bumwi mu buyake. Mubwini, nyoonse muli beenzuma. Oyu—oyu mukwesu ngu Mukwesu Lee Vayle. Walo mukwesu muyandisi, a sicikolo wini wa Lugwalo. Mwii. Vayle muna Baptisti ujisi Muuya Uusalala. Elyo walo ii . . . Ta ndaambi ceeci ku kulumbaizya oku, Nda caamba buyo eci nkaambo Nda cisyoma. Ndi yeeya kuti nguumwi wa basicikolo uujisi luzibo kabotu loko oyo Ngwe zyi, antoomwe a zyuunna zyesu. Elyo wazwaa ku ndilembela kagwalo awa, a kuka tumina omuya kuli Billy. Elyo Billy takonzyi kucibamba, kuli ndime. Elyo Ndi yeeya . . . Nse na kabala koonse, pele ni Nda amba eco nca amba awa. Elyo ikuti na Nda kabala buyo, Mukwesu Vayle, ikuti na nkoli. Nda kabala buyo kutandila myeezi ili cisambomwe yainda.

¹⁴ “Nseli kasimpe,” wa kaamba. “Mukwesu Bill, Nseli kasimpe, pele Nda syoma kuti Polycarp wakali sicikolo wa Musalali Johane.” Kuli luleme. Mbwa kabede. “Ndi yeeya kuti Irenaeus wakali sicikolo wa—wa Polycarp.” Kuli luleme, ncobeni. “Irenaeus wakati, ‘Jesu uyo bweeda—uyo bweeda cindi cizo camamanino cisalidwe ca Mubili wa Kristo caakunjila.’”

15 Oyo wakali Irenaeus, kutandila myaka ili myaanda yone ku i . . . kwiinde lufu lwa Kristo. Wa kati, “Cindi Obu bukkalo bwamamanino bwa kunjila . . .” Lino, oko kwakali mu i—i Kkanso ya Pre-Nicaea. Nywebo no batobezi, ba kabala i—i . . . kwiiya Lugwalo, a kwiiya i . . . Nda amba, kwiiya makani akale aa Bbaibbele, mula cijana mu kutanaba- . . . mu Kkanso ya Pre-Nicaea. Elyo Ndi yeeya kuti ndi bbuku taanzi na bbuku lyabili, muyo—muyo cijana. Elyo lino, wa kacibona, myaka yainda, kuti wa kati, “Kuli wamamanino, wamamanino—wamamanino umwi usalidwe, oyo usalidwe.”

16 Bantu bayeeya kuti kusala ncintucimwi eco buyo—eco buyo cintucimwi caka pangwa awa calino. Ma! Oko nkumwi kwa njiisyo zyakaindi maningi nzo tujisi: kusala a kwiita. Elyo aboobo Irenaeus, masimpe, basicikolo beni ba Lugwalo, lyoonse bakasyoma mu kusala.

17 Elyo aboobo Irenaeus wakali umwi i—i baangelo ba bukkalo bwa mbungano, mbuli mbo twa kabona, mbuli mbo twa kaiya. Tula syoma. Mubwini, lino, oonse akali maseseke. Ali waano oonse, yaa, ncobeni kasisidwe moonya omu mu Zinamatizyo ezi, nywebo mwabona. Elyo zyeedelede kuyubununwa mu buzuba bwamamanino. Obo mbo baka talika kweenda a Paulo, alimwi—alimwi Irenaeus, a Martin, abamwi bambi, mucuindi, alimwi bakaselemuka ku bukkalo bwamamanino.

18 Elyo, lino, tula syoma lino kuti Mwami uyo tulongezya mu kusoleka kwesu sunumasiku. Lino twa kali . . . I Cinamatizyo Citaanzi, Nda kacibotelwa ncobeni. I Cinamatizyo Citaanzi, zilongezyo zya kaunka a Ncico, kuli ndime!

19 Elyo lino Ta—Ta ndiyandi kumujata kwa ciindi cilamfu. Pele, nywebo mwabona, Ndiyo—Ndiyo unka buyo alubo, mu masiku masyoonto, alimwi eci camana. Elyo twe elede buyo kubaanga nku kkazika moyo aniini. Elyo Nda lumba . . .

20 Nda bona Mukwesu Junior Jackson kaimvwi alya. Nda . . . Elyo Nda yeeya kuti Nda bona Mukwesu Ruddell, kaindi kaniini kainda, awa abusenabumwi. Elyo balo bakwesu, ayo mabungano esu abuseli ayo alekela, a bamwi. Twa cilumba ncobeni. Elyo Nda bona Mukwesu Hooper, Nda syoma, kaimvwi kumbali lya bulambo alya, uuzwa ku Utica, mbungano okuya. Elyo tula lumba ncobeni ku belekela antoomwe kwanu koonse muli ceeci.

21 Lino, mangolezya ainda, mbuli mbo tu botelwa lyoonse, mu kuyiisya aa i—aa Zinamatizyo, tula ciiisya nzila njionya njo mucita aa i—aa i—i makkalo aa mbungano. Elyo cindi twa manizya a kuyiisya bukkalo bwa mbungano, ciindi cainda ni Nda kadulowa awa aa i—aa cikambaukilo, aa bboodi, mbangaye bayeeya eco caka citika? Wa kaseluka eni ansi, kajokela nkoonya ku bulambo, mu Mumuni, a kucidulowa, Mwini, mpoonya alya

aa bulambo, kumbele lyesu toonse. I Angelo wa Mwami wakaima mpoonya awa kumbele lya bantu bali myaanda minji.

22 Elyo lino Walo—Walo ucita cintucimwi cini ciindakugambya lino, acalo, elyo aboobo tulangila buyo zintu zipati. Ta tuzi pe. . . Mula botelwa kulindila buyo obo—obo bulangizi bupati, kuta ziba buyo eci ciyo citika citobela, nywebo mulizi, kulindila buyo—buyo. Lino, obo Leza mbwali mulemu kuli ndiswe, a mbwali mubutuloko! Tula Mu lumba kapatu!

23 Lino, kampango ka 1 a 2, Nda Ci bala, kubaanga nkupa ntalisyo niini. Elyo mpawo tula bweza kampango ka 3 aka 4, ka Cinamatizyo Cabili. Elyo mpawo kampango ka 5 a 6 ntwā Cinamatizyo Catatu. Elyo ka 7 a 8 nka i. . . Tumpango tobilo kuli sikutanta mbizi aumwi. Elyo lino Ndi yanda kuti mubone nzila aba balombwana. . . Aa mbizi eyi isiyasiya, ndiza. . . Nceeci casika, cizumanana buyo kucinca mbuli mbo ciselemuka.

24 Elyo mpawo eco Cinamatizyo, cipati camamanino ceelede kujulwa, ikuti na Leza wayanda, masiku Munsondo mutobela! Cakuti, cindi ni caka citika, kwakali buyo, cintu luzutu eco cakacitika, “lwakali luumuno ku Julu kwa cisela ca oora.” Leza kotu gwasya.

25 Lino Njo bala kampango ka 3 lino.

Elyo cindi na kajula cinamatizyo cabili, Nda kamvwa munyama wabili kaamba kuti, Boola ubone.

Elyo mpaawo kwakaunka mbizi imbi. . . (kampango ka 4). . . yakali kusubila: alimwi nguzu zyaka pegwa kuli nguwe oyo waka kkede ali ncico ku kugusya luumuno kuzwa aa nyika, . . . kutegwa bajayane umwi aumwi. . . kuti beelede kujayana umwi aumwi: alimwi kwaka pegwa kuli nguwe cceba pati.

26 Lino, cintu camaseseke lino, cindi i—i Munyama na kaambila Johane, “Koboola buyo a kubona.” Elyo ta kabona obo mbo cakabede. Wa kabona buyo ciiminizyo. Alimwi eco ciiminizyo, kaambo ci. . . Wa kati, “Boola, bona,” pele wa kabona ciiminizyo, kuti wa kali kucipa mu cikozyano ku mbungano, mu nzila eyo njobayo cilangilila; kusikila cikasike ku bukkalo bwamamanino, elyo mpawo Cinamatizyo ciyo julwa.

27 Lino, oonse wamvwisya eco lino, mwabona, Zinamatizyo ziyo julwa. Elyo sa tamu kkomene kupona mu buzuba obuno? [Mbunga yaamba, “Ameni.”—Mul.] Ca, kubona, kutali biyo boobo, beenzuma, pele lyoonse kuyeeya lino, cifumo Munsondo mwainda, oko cintu coonse nko caka simpwa, buubauba! Mwabona? Cuubauba, cibombe, cila citika munzila eyo bantu njoba indilila ncobeni a kuta Ci ziba akwalo cacitika.

28 Elyo, amuyeeye, tu langila Kuboola kwa Mwami, kufumbwa ciindi. Elyo cindi twa. . . Nda kaamba kaambo, kuti Mebo antela Kukwempwa kuyooba munzila njionya. Kuyo citika, kwamana,

alimwi taakwe umwi uyo ziba cintu kujatikizya nkuko. Ciyoo boola buyo mbuli boobo. Mwabona? Elyo kanji . . . Kuzumanana buyo kujokela kwiinda mu Bbaibbele a kulanga nzila mbo cicitika boobo. Mwabona?

²⁹ Akwalo mbuli cintu cipati mbuli Mwami Jesu mbwaboola, kunyina uuzi cintu kujatikizya ncico. Ba kayeeya kuti, “Oyo wa miyeeyo mweenzu, muntuumwi.” I mabungano akati, “Sikwiindilizya buyo. Tu . . . Uli nyongene loko.” Kati, “Walo musondosi.” “Tu lizi kuti uli musondosi.” *Musondosi* caamba “uunyongene.” “Tu lizi kuti ujisi dyabulosi, nkabela lyaka kusondola. Elyo usola kutu yiisya na? Kakuli, waka zyalilwa okuya, munzila yamusokwe. Tu . . . Wa kazyalilwa mu bwaamu. Kusola kuyiisya bantu mbuli ndiswe, bapaizi, abamwi bambi, tempele?” Ee, ma, elyo lyakali tusi kuli mbabo.

³⁰ Cindi Johane nakasika, waka bandikwa, mucuindi ca makkalo, kuzwa kuli Isaya kusikila kuli Malaki. Eyo myaanda ili kkumi aibili. . . na myaka ya myaanda ili ciloba a kkumi aibili, wa kabonwa aa basinsimi, kasika. Boonse bakali ku mulangila kusika, ku cilangila kufumbwa ciindi. Pele nzila mbwa kasika, wa kakambauka a kucita mulimo wakwe, a kwiinka mu Bulemu.

³¹ Alimwi nibaba baapostolo tii baka cizi, nkambo baka Mu buzya. Ba kati, “Lino, ikuti na—ikuti na Mwana wa muntu uya ku Jerusalemu, zyoonse zintu ezi, kuyo tuulwa,” kati, “nkaambonzi Lugwalo lwaamba kuti ‘Eliasi uyo boola kusaanguna?’”

³² Jesu wakati, “Wa kasika kale, nkabela tii mwaka cizi. Elyo wa kacita ncobeni eco Lugwalo nco lwakaamba kuti uyo cita. Elyo ba kamucitila mbubonya mbo kwakalembwa.” Mwabona? Elyo tii bakakonzya ku cimvwisya. Wa kati, “Wa kali Johane.”

Elyo, mpawo, “Oh!” Mwabona, ba—ba kasinsimuka, kuli ncico. Ba . . .

³³ Elyo cindi, akwalo, ku mamanino, kwiinde zintu zyoonse Nzya—Nzya kacita, a zitondezyo ezyo Nzya kaba tondezya, alimwi akwalo ba kabaita. Kati, “Nguni umwiwanu ukonzya ku Ndipa mulandu wa cibi, kutasyoma? Ikuti na Nse kacita ncobeni eco Lugwalo nco lwa kaamba kuti mulimo Wangu uyo citwa cindi Nda kusika aa nyika, mpawo amu Ndi tondezye awo Mpe kabisya. Mwabona? Mpawo Njo—Njo mu tondezya obo mbo mweelede kuba, alimwi atu bone na mula cisyoma, na pe.” Mwabona? Na kajokela ncobeni a kuti, “Mwa keelede ku Ndi syoma cindi Ne kasika.” Tee baka cicitu, mwabona, aboobo ba kalizi kabotu kwiinda ku lyaanga kuli Nguwe, ali ceeco. Pele Wa kati, “Nguni wanu ukonzya ku Ndi tamikizya zya kutasyoma? Mwabona? Sena Nse cita ncobeni mbuli mbo cakabede?”

³⁴ Elyo nibaba baapostolo, kweenda antoomwe, bakalebwa. Tu lizi nzila Magwalo mbwa enda. Mpawo kumalekelo, ku

mamanino, ba kati, “Lino twa syoma. Twa syoma kuti taakwe muntu weelede Ku kwaambila, nkambo Uli zyi zintu zyoonse.”

³⁵ Lino, ni Nda kayanda ncobeni kubona busyu Bwakwe. Kweelede kuti waka balanga, akuti, “Ee, sa mwa syoma lino? Kumalekelo kwasiya kuli ndinywe.” Ee, tii cakelede kuba, ndiza, mane ku ciindi eco, nywebo mwabona. Elyo Leza ulabeleka zintuzyonse kabotu buyo, nywebo mulizi. Nda—Nda Mu yanda nkambo ka ceeco.

³⁶ Pele lino tu yeeya zya kukomena kwesu lino. Nkaambo, Nda ambaula ali ceeco, ta tuko njila mu Zinamatizyo ezyo, pe.

³⁷ Elyo lino, amuyeeye, Ndi jana nkumbizyo zinji zya mipailo ya balwazi. Elyo Ndi pailila i. . . coonse ciindi, ku nkumbizyo aimwi Nje jana, a tutambala a zintu. Elyo ikuti na twa manizya ezyo Zinamatizyo, kusika ku Cinamatizyo camamanino, kuseeni Munsondo tu. . . Ikuti na lwaba luyando lwa Mwami, tu yanda kuyooba buyo a kuswaangana kwa kuponya kwa cianza cakaindi cibotu okuno, nywebo mulizi, oko nko tola buyo cifumo coonse ku kombela balwazi. Elyo Ndi—Ndili masimpe kapati kuti uyoba muswaangano ugambya wa kuponya. Mwabona? Ndi jisi kulimvwa kuli boobo, nywebo mwabona. Elyo aboobo, kutali uugambya, pele ndiza inga waba uugambya aniini kuli bamwi, mwabona, eco Nce pandulula.

³⁸ Lino, obo luzyalo lwa Leza mboluli lupati, ku kuyubununa makani Akwe asidwe mu buzuba obuno! Lino, toonse tula syoma kuti tupona mu buzuba bwamamanino. Tula syoma obo. Elyo amuyeeye, makani asidwe akelede kuyubununa mu buzuba bwamamanino. Elyo mbobuti Mbwa yubununa Ijwi Lyakwe, makani Akwe aasisidwe? I Bbaibbele lya kaamba. Sa muyanda kubala awo Mpa ka caamba? Atu jule a kubona nzila Mbwa yubununa makani Akwe aasisidwe.

³⁹ Lino Ndi yanda kuti mubale Amosi. Amu jule ku Bbuku lya Amosi, nkabela Ndi yanda kuti mubale mu cipati ca 3 ca Amosi, a kampango ka 7. Yaa. Nda bala kampango ka 6, ambebo.

Sena mweembo. . . ulalila mu munzi, nkabela bantu kaba tayoozi? sena kuyooba bubi mu munzi, nkabela MWAMI ta bu cita?

Nincobeni Mwami. . . taka citi cintu, pele uyo yubununa makani akwe aasisidwe ku balanda bakwe basinsimi.

⁴⁰ Lino, mu mazuba akumamanino, tuli. . . Kwa kaambwa kumbele kuli ndiswe kuteeti kuyo buka ii—ii musinsimi.

⁴¹ Lino, tu lizi kuti twa kajisi misyobo yoonse. Lino, Nda mvwisya, kumane kulanga koonse sunumasiku, Ndi—ndi kanana okuno basicikolo nko bakede, alimwi Ndi—Ndi yanda kuti mu ndimvwiye. Elyo mula mvwisya, mateepu aya avumba inyika, mwabona, kutandila buyo inyika yoonse. Elyo Ndi yanda kuti

muta, kuli koonse, kuyeeya kuti Ndi sola kunjizya musyobo umwi wa ii—ii kakamu kanguzuuzu ika ngubo zya Eliya na zikobela. Elyo zyoonse—zyoonse zintu ezyo, twa kali zijisi zinji. Pele, nywebo mulizi, zyonse zintu ezyo zisololela biyo cintu cini eco ceelede kusika, ku kuleesya bantu.

⁴² Sa mwakalizi kuti twa ka jisi basololi babeji—babeji baka buka, bamesiya babeji, Kristo katana boola? Sa tii, sa tii i. . . I mwiiyi wa buzuba obo, oyo mwiiyi singuzu, Gamaliyeli, cindi i—i mubuzyo niwa kaletwa kujatikizya kuumwa kwa bantu aba, abamwi bambi, wa kati, “Amu baleke balikke. Ikuti na mba Leza, baa, muyo lijana kulwana Leza. Pele ikuti na facili ca Leza. . .” Kati, “Sa muntu taka buka, calino, a kubweza myaanda yone kuya mu nkanda, a bumwi bumbi? Tuli jisi zintu ezyo.” Ino cakali cinzi? Zyoonse zisololela Cintu cini cindi Ca boola.

⁴³ Lino, mwabona, Saatani ula busya ezyo. Amulangilile bucenjezu bwa mulombwana oyu ngo twaambaula kujatikizya awa, Saatani, oko nko tu mvungulula mpoonya awa; ku musamununa buyo kumaninina, kwiinda ku Magwalo, aku mulekela kubona kuti nguni. Eco nce cintu i. . . eco ceelede kucitwa.

⁴⁴ Elyo, mula yeeya, ta sola kunjila a kuba muna kkomunisti, Saatani ta cita. Ngu sikulwanakristo. “Ukozianya kapati, cakuti,” Jesu wakati, “uyo cenga mbabonya Basale. . .” Elyo mbe Mbabo basisidwe mu Zinamatizyo ezyo, bala mazina aa Bbuku kuzwida ku malengelo aa inyika.

⁴⁵ Walo mulombwana mucenjezu. Elyo cindi abona eci cintu ka cisika, ka cisika kulibonya, mpawo ula gusya zintuzyonse zyakonzya okuya, ku cinyonganya kacitana sika okuya. Sena mwakalizi kuti kuyoba bakristo babeji bayo buka ku mazuba akumamanino? Ceelede kutobela kwamana buyo eci, kwamana Mulumbe oyu mupati oyo mukwesu oyu ngwayo kanana, oyo uyoboola ncobeni, kunanikwa mu muuya wa Eliya, mpoonya buyo.

⁴⁶ Elyo bayo omwi impya. Bamwi babo bayo yeeya kuti ngu Mesiya. Pele uyo amba cakusinizya kuti, “Peepe.” Nkaambo, ceelede kuboola mbuli Johane.

⁴⁷ Mu ciindi ca Johane Mubapatizi, cindi na kayutuka okuya kukambauka, ba kati kuli nguwe, “Sa toli Mesiya? Sa toli Nguwe?”

⁴⁸ Wa kati, “Ta ndili nguwe. Nse eleli kwaangununa mabbusu Aakwe. Pele Nda—Nda mubbizya a maanzi, pele Uyo bbizya a Muuya Uusalala.” Elyo Johane wakali masimpe kuti Wa kali aa nyika, wa kati, “Uli aakati kanu, amwi, lino.”

⁴⁹ Pele ta ka Mu zyi kusikila na kabona citondezyo eco kaciseluka aali Nguwe. Mpawo, cindi na ka bona oyo Mumuni kauseluka a kutandabala mbuli nziba, a kukkala ali Nguwe,

wa kati, “Ngooyo Mbwa bede. Ngo Nguwe.” Pele Johane wakali omwe biyo wa Kau bona, nywebo mulizi. Johane wakali omwe biyo wakamvwa Jwi. Boonse babo bakaliko, takwe omwe waka Li mvwa.

⁵⁰ Pele mpawo cindi mulanda wini, wakasimpe aboola; a kuli kozyanisya koonse kuli nguwe, ncaku nyonganya mizeezo ya bantu. Saatani ulacita eco. Elyo abo batakonzyi kutweluka ciluleme ku cibi, balebwa ncobeni. Pele Basale taba kacicitii; Bbaibbele lya kati ta kakonzyi kucenga Basale. Elyo lino, kakatanaba buyo Kuboola kwa Kristo, Bbaibbele lyakati, “Kuyo buka bakristo babeki, alimwi bayo taminina kuba Kristo, alimwi bayo amba, ‘Amubone, bantu baamba kuti Uli mu lukula.’ Muta cisyomi. ‘Amubone, Uli mu kampetu.’ Muta cisyomi.”

⁵¹ “Nkambo mbuli zuba mboli mweka kuzwa kujwe kuya kumbo, mbubonya Kuboola kwa Mwana wa muntu mbo kuyooba.” Mwabona? Iiyi, Uyo—Uyo—Uyo libonya, alimwi ciyooba cintu canyika mboizulwa. Elyo lino ciyooba eco, lino, mubwini, cindi ba kujana kuti cintucimwi ca citika, nywebo mwabona, mpawo bayo. . . Lino, amuyeeye, eco ciyo citika mponya biyo kwakumana kuya ku Muunzi kwa Mbungano, kwa kwiinda Kukwempwa.

⁵² Lino kuyooba kuli kozyanisya kwa bubeji, ciindi coonse, alimwi ta tukanzi kuswaangana mu cili coonse cili boobo. Peepe, munene.

⁵³ Elyo Nda syoma, cindi muntu aboola, oyu umwi wa kaambwa kuboola kunembo, Ndi citondezya buyo kwiinda ku Magwalo, kuti muntu uyooba musinsimi. Uyo cita nconzyo. Elyo ciyubunuzyo ca Leza, nkambo Leza. . . I Ijwi lya Mwami liboola ku basinsimi Bakwe. Mbo mbubo ncobeni. Eco. . . Elyo Leza takonzyi kucinca, nywebo mwabona. Ikuti na Wa kajisi ciyanza cibotu maningi, inga Na—inga Na ka cibelesya. Pele Walo—Walo ujisi. . . Wa kasala ciyanza ciinda kubota ku matalikilo.

⁵⁴ Mbuli buyo, Na kakonzya kusala zuba kukambauka Makanimabotu. Na kakonzya kusala mweezi. Na kakonzya kusala i—i muuwo. Pele Wa kasala muntu. Elyo Ta kasala makamu. Bagame! Mwabona?

⁵⁵ Elyo takwe basinsimi bapati bobilo aa nyika ku ciindi comwe. Mwabona, aumwi muntu ulandeene, ujisi bupange bwandeene. IKuti na Leza wakakonzya kuba a muntu omwe, nku koonse Nkwa kaba ako, moonya mu janza Lyakwe, Ula konzya kucita eco Nca yanda. We elede kuba a omwe luzutu. Mu mazuba aa Nowa; mazuba aa Eliya; mazuba aa Musa.

⁵⁶ Banji baka buka, mu ciindi ca Musa. Mulizi nzila mbo baka cita, alimwi bakayanda kuti, “Ee, toli omwe biyo uusalala mu nkamu,” alimwi—alimwi Datani alimwi—alimwi a Kora.

⁵⁷ Elyo Leza wakati, “Kolya ndaaya buyo. Nda jula nyika nkabela ilaba mena.” Nywebo mwabona? Elyo—elyo aboobo. . .

58 Elyo mpawo bantu baka talika kutongooka. Wa kati, “Nda buyo—Nda gusya buyo cintu coonse.”

59 Elyo ngooyo Musa wakatola busena bwa Kristo, mpawo, kuli waala mu mwaakwe, a kwaamba, “Uta ciciti, Mwami.” Mwabona? Elyo, mubwini, wa . . . Na Ka mana kukanzila Musa kucita ceeci, Ta kasika kuli Musa, nkaambo wa kali kulilemeka mbuli Kristo mu ciindi eco. Wa kali Kristo muli Musa. Nconzyo.

60 Lino, tuli boteledwe loko sunu kuti Leza ula liyubununa Mwini kuli ndiswe. Elyo Nda syoma kuti Buzuba bupati bwatalika kupasuka, kumweka. I Mimuni yatalika kumweka. I bayuni ba paradaisi batalika kwiimba mu moyo wa basalali. Ba lizi kuti tacili ciindi cilamfu lino. Cintucimwi ciyo citika, ceelede kuba buya. Aboobo ikuti “Ta cita cili coonse . . .”

61 Lino, loonse Lugwalo luli nanikidwe. I Magwalo eeledde kuba Bwini cakumaninina. Taakwe nzila ya ku ceenguluka. Mpaawo Mpe impana a beenzuma, mbungano ya Katolika. Ndi syoma kuti tii Lya kalembwa a muntu biyo. Ndi syoma kuti Lya keenzegwa aa Muuya Uusalala. Elyo zyoonse ezi zintu ziniini ezyo zya kayungizigwa, kusola ku Li yungizya; sena mwa kabona, mu kubamba, umwi aumwi waka tandwa.

62 Elyo aya Magwalo, eni akasimpe ala njilana, limwi a limbi, kusikila taakwe—taakwe kukazyanya muli ngawo, kwiina busena pe. Amundi tondezye kabeela ka bulembo ako kakonzya—ako kakonzya kulemba kampango, nokaceya, kakutakwe kuli kazyeni, na kulemba—kulemba kampango, na tobilo. Elyo Bbaibbele tali Li kazyi lini, ali onse. Nda kamvwa basikukazyi bakale kabaamba obo, pele Nda kapa ciindi kuli nguwe kwa ciindi cilamfu, kondi tondezya mpo kubede. Ta buko pe. Nku kaambo buyo ka mizeezo yabantu inyongene. Leza ta yongene. Uli zyi eco Nca cita. Uli zyi.

63 Amulange, ikuti na Leza uyo beteka inyika kubelesya mbungano, mbuli mbungano ya Katolika mboi caamba, yaa, mpawo ni mbungano nzi eyo? Amulange buyo ku mabungano nge tu jisi. Tu jisi myaanda ili fuka a cintucimwi, tubunga twandeene twa mabungano. Lino nzila. . . Umwi uyiisya nzila *eyi*, a umbi nzila *eyo*. Ino ndunyonganano, mpawo, aumwi ucita buyo cili coonse nca yanda, ula zumanana nekubaboobo. Leza weelede kuba a ceelesyo cimwi, alimwi eco ndi Ijwi Lyakwe.

64 Nkekanana. . . Kutali kuwaalila kuli Katolika, lino, nkaambo i—Protestant ni mbi buyo ayalo. Pele kukanana a mupaizi, wa kati, “Ba. Branham,” wa kati, “Leza uli mu mbungano Yakwe.”

65 Nda kati, “Munene, Leza uli mu Ijwi Lyakwe. Elyo Walo ndi Ijwi.” Iiyi, munene.

Wa kati, “Ee, Uli mu. . . I mbungano tai lubizyi.”

66 Nda kati, “Ta ambi boobo. Pele Wa kati Ijwi tali lubizyi.”

67 Wa kati, “Ee, twa kali kuyiisya lubbizyo mu nzila eyo, a bumwi bumbi.”

Nda kati, “Ili?”

Kati, “Kaindi mu mazuba mataanzi.”

Nda kati, “Sena mula zumizya eco kuba mbungano ya Katolika?”

Wa kati, “Iyi.”

68 Nda kati, “Nkokuti, Ndili muna Katolika, muna Katolika wacyianza cakale. Ndila syoma mu nzila yacyianza cakale. Nywebo ni balombwana sunu mwaka Lu nyonganya koonse, alimwi taakwe cili coonse mu Lugwalo nco muyiisya. Kukombelezeyya a banakazi a bantu bafwide, a zyoonse ezi zintu zimbi, alimwi, oh, ma, tabalyi nyama, elyo, oh, Ta ndizi cintu coonse, mwabona.” Nda kati, “Kondi janina ceeco mu Lugwalo.”

69 Wa kati, “Ta ceelede kuba omuya. Kufumbwa kuti mbungano yaamba boobo, nce ncico. Ta cibambi lwandaano lumwi cintu Eco nco caamba, ni mbungano.”

70 Nda kati, “I Bbaibbele lya, kati, ‘Kufumbwa uyo yungizya ijwi lyomwe kuli Ndilyo, na kugwisya Lyomwe, cibeela cakwe ciyo gusigwa mu Bbuku lya Buumi.’ Aboobo, ndi Ijwi! Ndi syoma Ijwi.”

71 Lino, alimwi, mpawo, ikuti na Amosi waamba, alimwi Magwalo ambi ainka a ncico, eco ikuti . . .

72 Elyo mula yeeya, ali ceeci, tuuma buyomasena mayandisi a Ncico. Buyo, ma, ikuti . . . Cindi Nda njila mu kaanda ako omuya, elyo—elyo obo Bunanike bwa njila, ikuti Nda konzya kulemba eco Nca . . . zyoonse ezyo zicitika, inga Ndaba kookuno kwa myeezi yotatwe ali cimwi ca Zinamatizyo. Aboobo kuuma buyo masena a ku Ci leka, buyo cintu cinga caboneka kuta sika bantu. Pele, nekuba, kutali kunji kwa kubanyonganya, pele buyo kuteywa, kusyoma, inga ca—inga casimya cintu. Nywebo mulizi eco nce Ndi pandulula.

73 Lino, amulangilile eci lino, ikuti “Leza ta citi cintu,” wakaamba Amosi, “kusikila lutaanzi Wa ciyubununa ku balanda Bakwe basinsimi.” Elyo, mpawo, twa bona eco Nca cita. Ku leelede kuti Uta ndila kucita cintucimwi, eco Nca yubununa lino. Leza utandila kweenda aa cilao, mu lubeta, Nda syoma. Uta ndila kucita cintucimwi. Elyo cintu comwe alubo, ncobeni cila lungulula, tuli mu mazuba akumamanino. Tuli kumamanino aa bukkalo, Mbukkalo bwa Mbungano ya Laodikeya lino, ku zintu ezi zya keelede kuyubununwa biyo ku buzuba bwamamanino.

74 Lino, amuyeeye buyo eco lino. Atu sole buyo—buyo kusakana muli ceeco nco tusyoma kuti Muuya Uusalala ncounga wayanda kuti tuzibe.

⁷⁵ Lino amuyeeye, “Taakwe ceelede kuyubununwa; Leza taka citi cintu, pe, kusikila lutaanzi Wa ciyubununa ku balanda Bakwe, basinsimi.” Elyo Walo katanaa kucita cili coonse, Ula ciyubununa. Elyo cindi Aci yubununa, inga mwaibaluka ceeci, cintucimwi mu lweendo lwaco. Mwabona, cili muku yubununwa.

⁷⁶ Elyo ezi zintu nzo twa ambaula zya keelede ku yubununwa ku buzuba bwamamanino, kakutanaba Mweembo wamamanino, kumamanino aa Mulumbe wa bukkalo bwa mbungano yamamanino. Mbo mbubo. Ikuti na muyanda kubala eco lino, inga mwa jula ku . . . Nywebo, Nda kamu tondekela buyo, masiku ainda, ziindi zyatwatwe, Ciyubunuzyo 10:1-7, mwabona. “Elyo ku mazuba a kulizya Mulumbe wa angelo waciloba, maseseke aa Leza ayo yubununwa a kumanizigwa.” Elyo kuli cintu comwe biyo cisyeede. Cindi eli Bbuku linamatikidwe zinamatizyo zili ciloba lya julwa, mpawo maseseke oonse aa Leza . . .

⁷⁷ Baa, twa kavwentauzya kuli Ncico, mu myaka. Elyo kweendelana ku Lugwalo, mpawo, tu . . . Takukwe nzila ya ku Cimvwisya kusikila buzuba obuno, nkaambo Cali sisidwe. Twa kabona ciiminizyo, Mbo caka tondezegwa ku ciiminizyo, pele tii Ca kakonzya kuyubununwa kabotu kusikila ku buzuba bwamamanino. Mwabona? Lino, mpawo, twe elede kubako, ku i—ku ciindi camamanino.

⁷⁸ Lino, amwiibaluke. Muta . . . Alimwi muta lubi lino, kuti, “Ta citi cintu kusikila Wa ciyubununa.” Elyo muta lubi, akwalo, kuti Ula cicitu munzila ngubauba, yakuti, “I basongo a basimaanu bala ciimpya.” Lino, ikuti na muyanda kweengela ceeco, ngu Matayo 11:25-26. Elyo, amwiibaluke, “Ta citi cintu mane Wa ciyubununa.” Elyo Ula ciyubununa munzila eyo yakuti bantu bacenjede, bayiide bala ciimpya. Amuyeeye, bwaali busongo obo inyika mboya kayanda mucibaka ca Ijwi, cindi cibi citaanzi nicaka cita nco cakacita. Muta lubi eco lino. Oh, nzila mbo tweelede kuba balumbide, ku yeeya ceeco!

⁷⁹ Lino amu lange buyo zintu zicitika! Amulange zintu Nzya ka twaambila! Amulange omuno mu cikombelo eci, nywebo nobantu baka komezegwa okuno. Lino Njo lomba mateepu . . . Ee, ku zumanana, ku citeping’a. Pele, amulange, Ndiyo amba buyo ceeci ku bantu ba cikombelo, nywebo nomwakali kookuno. Nda lailila omwe wanu, mu Zina lya Mwami Jesu, kutasola kubika munwe wako a cintu comwe, ca myaanda ya zintu zya kaambwa kazitana citika, a kwaamba kuti tii zyaka citika. Ndaambile cindi comwe, eco a cibumbili, okuya, kufumbwa nko cakabede, eco Nca kasola kwaamba cimwi catakali mbubonya cakulondoka mu nzila eyo. Buti? Sa mizeezo yabuntu inga yaba boobo? Peepe nconzyo.

⁸⁰ Cindi Na kalibonya kunselelo okuya aa mulonga, myaka ili makumi otatwe yakainda mu Kaandakanini oyu uboola, mu

ciimo ca Mumuni! Nywebo nobakaindi mulaibaluka kuti Nda ka mwaambila, kuzwida kukuba mulombe muniini, eelyo Jwi a Mumuni oyo. Elyo bantu bakayeeya kuti, kubanga nku nyongana buyo kuniini mu mutwe. Mubwini, Ne kayeeya cintu nciconya antela, muntuumwi waka caamba. Pele lino to elede kulibuzya kujatikizya Ncico lino. Elyo Mbungano tai buzyi kuzwida 1933, kuselelo lya mulonga buzuba obuya, oko Nkwe kali kubbizya bantu bali myaanda!

⁸¹ Nda yeeya oyo mulombe Marra waka ndaambila, wakati, “Uya kuselelo kuyo nika bantu abo, Billy?” Jim Marra muniini kuselelo awa, Ndi yeeya kuti ulifwide lino. Ndi yeeya kuti wa kajaigwa okuya; mwanakazi umwi waka mudubula. Pele wa—wa kandi buzya, “Uya kuselelo kuyo nika bantu abo na?”

⁸² Nda kaamba, “Peepe, munene. Ndiya kukuba bbizya mu Zina lya Mwami wesu Jesu.”

⁸³ Elyo kwakali mwanakazi wakali kuunka antomwe mu nkamu. Waa kaambila mwanakazi umbi, waa kati . . . wakaamba kaambo, cintucimwi kujatikizya ncico. Waa kati, “Ee, Inga nsekaka kunikwa.” Kati, “Eco cili kabotu. Ta ndikwe makani.”

⁸⁴ Nda kati, “Kojokela ukeempwe. To elede kubbizigwa mu Zina lya Jesu Kristo.” Mwabona?

⁸⁵ Eci tacili cintu cakusobanya. Alo Makanimabotu aa Kristo, akayubununwa kwiinda ku kutumwa, Ijwi. Buyo, lino, ikuti na waamba, “Bufuba a buyanga,” inga wacibikka a busenabumwi bumbi. Pele, yeeya, caka syomezegwa mu Ijwi kuti eci ciyo citika, alimwi mbubonya buyo mbo ciyooba. Elyo nceeci we.

⁸⁶ Mpawo, kuselelo okuya buzuba obo, cindi niba kaimvwi ku mulonga! Elyo Angelo wa Mwami, oyo Ngwe kamwaambila kuti cakali kuboneka mbuli ii—ii nyenyeezi na cintucimwi kulaale, mpawo Ya kaswena muni, a kumwambila nzila Mumuni wa emalodi mbowakali kuboneka. Elyo ngooyo Wa kasika, nkoonya kuselelo lya mulonga Nkwe kali kubbizya.

⁸⁷ Cindi, basimakwebo anselelo awa mu dolopo, bakati, “Ino cakali kwaambanzi eco?”

⁸⁸ Nda kati, “Eco tiicali cangu pe. Eco cakali canu. Nda syoma. Mwabona? Eco cakali ca kaambo kanu, kuti Leza wakacita ceeco, kumu zibya kuti Ndi mwaambila Bwini.” Mukuba mwana, mulombe, mbuli, alimwi kutandila myaka ili makumi obilo aomwe yakukomena, niba—niba taka cisyoma eco, nywebo mwabona, nkaambo ta ceeleli ku mwana. Elyo mpawo Nda kali kuyeeya . . .

⁸⁹ Mukwesu Roberson okuno, umwi wa basyomesi besu, Nda mubona awa maminiti masyoonto ainda. Wa kali kundaambila buzuba bumwi kujatikizya kuba mu Houston cindi cifoto nicaka tolwa okuya, eco nco mubona. Elyo Nda kali . . . Aa kubuzyanya oko, Nda katalika kwaamba cintucimwi kujatikizya ncico,

busiku bumwi. Mukwesu Roy wakali biyo . . . a mwaalumi omwe umbi, wakali muntu alikke mu nkamu oyo waka jisi rekkoda. Ya kali imwi yawo ya marekkoda ya mawaya abupange bwakaindi. Nda bona Mukwesu Roberson lino, a mukaintu wakwe. Aboobo, alimwi—alimwi eci, Muka. Roberson wakali cisidwe.

⁹⁰ Mukwesu Roy wakali syazibwene. Elyo mauulu akwe akazapaulwa, elyo baka mulazika mbuli uufwide. Wa kali silutwe mu i—mu Impi. Elyo German 88 ya kauma mootokala oyu wampi ngwa kali awo, a kujaya buyo mwaalumi, aku muzapaula. Ba kamulazika, mbuli uufwide, kwa ciindi cilamfu. Elyo ba kati ta keendi pe, nkaambo mauulu aka yaswa bubyaaabi, nsinga muli ngawo, a zintu. Ma, ula konzya ku ndiinda kweenda.

⁹¹ Pele ino cakali cinzi? Kwakali cintucimwi nca kabona, nkabela wa kaunka ku Houston. Elyo wakali kundaambila makani aa mukaintu wakwe. Elyo walo ujisi i—walo ujisi waya; uyo cibamba aa teepu. Elyo kuswaangana kwamana okuno, ee, uyo cilizya kuli ndinywe nyoonse, Nda syoma. Elyo aa teepu eyo ya kaindi ya mawaya, ujisi miswaangano yangu ibambidwe mu Houston. Elyo mpawo mukaintu wakwe, wa kati, li jisi alya, alimwi ta kacibona kusikila buzuba bumbi.

⁹² Waa kali, oh, waa kausa kapati. Waa kali cisidwe, alimwi waa kali kuyanda kunjla mu mundando wa mipailo. Tii baka ndizyi, alimwi Nse kaba bwene mu buumi bwangu. Aboobo waa kali kkede a ii—ii mpulungwido buzuba obo, kasondela, a cakuyoowa kapati, nywebo mulizi, a kunyongana, alimwi kalombozya kuti kakonzya kujana kkadi lya mipailo, kuti kanjila mu mundando.

⁹³ Elyo, caka citika kuba, busiku obo waa kanjila mu mundando, na busiku bwakainda, na cintucimwi. Nda syoma, masiku ngaonya. Elyo waa kanjila mumundando. Elyo cindi naka tanta a cibumbili, Muuya Uusalala waka mwambila, wakati, “Lino, tozwi kokuno pe. Yebo uzwa ku dolopo litegwa New Albany.” Elyo wakati, “Wali kkede a mpulungwido sunu, kosondela, a kupengaana koonse kujatikizya kujana kkadi lya mipailo.” Nceeco mbocibede, aa teepu, myaka yainda.

⁹⁴ Elyo mpawo ku matalikilo a muswaangano, cindi Muuya Uusalala niwa aliko . . . Oyo wakali muswaangano mutaanzi. Twa kali kuba biyo a bantu batandila ku zyuulu zgotatwe, mpawo twa kasika ku zyuulu zili lusele, mpawo kutandila zyuulu zili makumi otatwe. Aboobo mpawo mu i . . . Kuciindi Ne kali ku kanana i . . . Umwi wa miswaangano njiyonya mitaanzi, Nda kati, “Ta ndizi kaambo Nce wambila ceci.” Lino, cili a teepu. “Pele, cili, tu li . . . Eci ciyooba cimwi ca ziyandisi zya ciindi cangu. Cintucimwi ciyo citika kuciindi ca muswaangano oyu, oyo uyooba mupati kwiinda muntu umwi ngwa tana bona.”

⁹⁵ Elyo wakali kutandila buyo masiku ali lusele na fuka, kkumi kuzwa ayo, cindi Angelo wa Mwami naka libonya kumbele lya

bantu batandila ku zyuulu zili makumi otatwe, a kuselemuka, nkabela cifoto caka kkopwa. Nceeco Mbo cibede, ndyoonya lino, kwakapegwa nguzu zya kkopi mu Washington, DC, mbuli Cilenge ciindakugambya caka sola kufotolwa mu inyika.

⁹⁶ Mpawo Nda kabandika, nywebo mulizi, kwaamba kuti cimwiciindi, kungsi lya kutweluka, kwaamba, “Ii muntu wavunikilwa calufu. Nceeco civumbyo cisiya, ca cimvule. Ba laafwi kufwa.”

⁹⁷ Elyo mpawo kutala aa ku East Pines, na Southern Pines, Nda syoma mbo cibede, cindi ni Nda kali okuya mu muswaangano wamamanino. Ii mulindu muniini kakkede alya, elyo Cintucimwi caka mwaambila, “Bweza cifoto eco, cakufwambaana,” cindi Ne kali kukanana ku mulindu. Alimwi nceeco awo. Ndiyeeya kuti ciyooba a bboodi lya kuzibya twaambo; ca kaliko, kwa ciindi cikubwene. Nceeco civumbyo eco cisiya ka cilengelela mpoonya atala lya mulindu.

⁹⁸ Waa kakkopa cifoto cimbi, mbowa kaambila biyo Muuya Uusalala. Ca kaunka. Kati, “Uyo ponesegwa. I Mwami waku ponya. I kkulenge lya mana.” Alimwi nceeco mbo cakabede. Elyo waa kaponesegwa. Mwabona? Nceeco we. Mwabona?

⁹⁹ Ci tondezya buyo kuti Leza ulizi ciindi ca sikati mbo cibede. Ta tuzi. Tu Mu swiilila buyo.

¹⁰⁰ Lino tula konzya kuzumanana kwaambaula, pele atu selemukile awa lino, aniini buyo, a ku guma eci Cinamatizyo kusule, kutegwa tu konzye kusanganya eci cimwi a Ncico. Lino, kulangalanga buyo alimwi, kwa zisyoonto zii-. . .ziindi zisyoonto, i—i cimbi, Cinamatizyo Citaanzi.

¹⁰¹ Twa kabona, mu kunamatula Cinamatizyo Citaanzi, Saatani ujisi ii—ii muntu, mukombi mupampu uugambya. Sena mwaka mubona oyo sikutanta mbizi iituba? Walo, ba, waka yeeyelwa kuba kuti wakali ii. . . i Mbungano ntaanzi kaiyabuya; pele, oh, ma, eco caka yiisigwa mu myaka, pele tii caka konzya kuba. Amu langilile buyo cindi bamwi babo, cindi twa baswaanganya antoomwe boonse, mpawo kulanga oko nko cibede, mwabona. Lino, alimwi Ta ndizi eco bamwi babo mbo bayooba, mbuli kuba. Pele Ndi lizi kuti ceelede kuboola buyo kaculondoka okuya, nkaambo bwalo Mbwini. Bwalo Mbwini. Eyo yakali mbungano ya zyuuno ya Rome, ncobeni.

¹⁰² Aba bantu bayeeya kuti bama Juda bakali basikulwanakristo, bali sweekede ncobeni kuzwa ku nzila kwa mamaile ali milioni. Muta soli kuyeeya kuti bama Juda basikulwanakristo. Meso abo ako fwaazigwa, kubukanze, kutegwa inga twaba anzila yaku njilila, ku tupa cindi ca kweempwa.

¹⁰³ Pele sikulwanakristo Munamasi. Masimpe. Ngu sikuli kozyanisa wa Bwini; *kulwana*, “kulwisya.” Lino, oyu sibupampu uugambya, oh, obo mbwaba muntu mulemu,

alimwi—alimwi mpawo kumalekelo wakaba acuuno cabwami. Elyo mpawo, kumane kupegwa cuuno cabwami, wa kasamikwa musyimi. Elyo lino, walo, kumane ceeco, wa kakombwa mu cibaka ca Leza.

¹⁰⁴ Lino, amulange, katana kusola kusika. Ndi yanda ku mubuzya cintucimwi. Wakali ni oyo? Cakali cinzi Eco ali Paulo, mu Batesalonika Babili 2:3, kaamba kuti muntu uyo boola? Nkaambonzi oyo muntu nca kalanga kwiinda mu bukkalo a ku cibona? Wa kali musinsimi wa Leza. Masimpe. Nkaambonzi waka . . .

¹⁰⁵ Wa kati, “I Muuya ulambaula caantagalala, kuti ku ziindi zicalizi bayo zwa ku lusyomo, alimwi bayo swiilila kweena . . .” Nywebo mulizi *kweena* mbo cibede. Ii muuya wa kweena mu mbungano, oyo mupaizi. “Kweena, muuya wa mupaizi, kubeleka kwa madaimona; kuupaupa mu mbungano.”

¹⁰⁶ “Basikainya, basikulisumpula,” busongo, nywebo mwabona, basongo, bapampu; “bajisi ciwa cabukombi.” (Kuunka buyo, kwaamba, “Ee, tuli Banakristo; twe elede kuunka ku mbungano.”) “Kuba a ciwa cabukombi, pele kukaka ziyubunuzyo, Nguzu a kubeleka kwa Muuya; kofutata kuli bali boobo.” Mwabona? Lino amubone, wa kati, “Nkambo oyu ngo musyobo wabaabo bayoenda kuzwa ku ng’anda kuya ku ng’anda, nkabela bayo sololela banakazi bafubafuba . . .” Eco ta caambi banakazi bazwide Muuya Uusalala. “Banakazi bafubafuba abo beenzegwa aa zisusi zyandeene.”

¹⁰⁷ Zisusi zyandeene! Bala botelwa ncobeni kunjila ku kantu koonse kaniini ako nkeba konzya kunjila, a misyobo yoonse ya tukamu; a kupona kufumbwa nzila njo bayanda, alimwi, nekubaboobo, “Tula unka ku mbungano. Tuli babotu buyo mbuli bamwi.” Zizyano, tukamu, kugela masusu abo, kulipenta, kusama kufumbwa nzo bayanda; nekuba, “Tuli—tuli ba Pentekoste. Tuli—tuli babotu ncobeni mbuli bamwi.” Oh! Milimo yanu ila muzibya. Nincobeni. Amubone.

¹⁰⁸ Pele wa kati, “Bantu ba mizeezo izangide, kujatikizya Bwini.” Ino Bwini ni nzi? I Ijwi, uli ngu Kristo. “Kujatikizya Bwini.”

¹⁰⁹ “Oh, mu panga . . . Yebo, nduwe dilaiva wa banakazi. Nduwe sikusulaika banakazi. Yebo ucita *ceeci, ceeco*.”

¹¹⁰ Peepe, munene. Ta cili kabotu. Obo ii—ii mbubeji. Nse sulaiiki banakazi. Peepe, munene. Balo mbacizi bangu, ikuti na mbacizi. Pele cintu Nce . . .

¹¹¹ Luyandisyo ndwa kululamikwa. Ikuti na taluli lwa kululamikwa, taluli luyandisyo. Ikuti na mbolubede, mpawo, ikuti na luyandisyo, lwalo—lwalo nduyandisyo lwa phileo a kutali agapao, Ndila mwaambila eco. Ambweni inga kaba jisi luyandisyo luniini lwa phileo ku mulindu umwi uboneka kabotu. Pele luyandisyo lwa agapao ncintu candeene, olo nduyandisyo

lululamika cintu, a kuswaana Leza kutala kumwi nko tukonzya kupona Cabutamani. Mwabona? Ta ndaambi ceeco, ndiza, mu nzila mbo camvuwika, pele Ndi. . . Nywebo mulizi eco Nce—Nce. . . Nce mulangila kumvwisya. Yaa.

112 Lino, pele, amuyeeye, wa kati, “Mbuli Janesi a Jambresi mboba kakazya Musa, mbubonya mbo baya kucita. Pele bufuba bwabo buyo yubununwa cakufwambaana.”

113 Nkaambonzi? Cindi Musa naka tumwa kucita cintucimwi eco cakali kuboneka cipya canguzuuzu, pele, wa kaunka kumusanza okuya cakusyomeka buyo mbuli mbwa kali kukonzya kuba. Elyo Leza waka mwaambila kutola aka, kasamu aka, a ku kawaalila ansi, alimwi kuti kayo sanduka kuba nzoka. Mpawo, Wa kacicita, ku tondezya obo mbo cakali kuyocitika. Elyo kumbele lya Farao, wa kaima okuya mbubonya Leza mbwa ka mutuma, a kuwaala ansi kasamu kakwe, nkabela kakasanduka kuba nzoka.

114 Elyo kwiina kuzumbauzya, Farao wakati, “Ti masalamusi aa simabibo uutakweankwaya!” Aboobo waunka kuyo leta bakwe ba Janesi a Jambresi. Kati, “Tula konzya kucita zintu ezyo, aswebo.” Elyo wa kawaala ansi kasamu, nkabela zyakaba nzoka.

Lino ncinzi Musa ncakali nokonzya kucita?

115 Ino cakali cinzi? Ca kali kutondezya kuti, coonse cintu cini ca Leza, dyabulosi ujisi sikuli kozyanisya wa ncico. Bala likozyanisya, kuleesya bantu mu nzila.

116 Ino ncinzi Musa nca kacita, kwaamba, “Ee, Ndi yeeyela kuti Nda lubizya. Ncibotu ndapiluka?” Wa kaima nji, nkambo wa kacita kutumwa kwakwe, mbuli mbo kwakeelede.

117 Mpawo, cintu citaanzi nywebo mulizi, nzoka ya Musa yakalya imwi imbi. Mwabona? Sena mwakasola kuyeeya eco cakaba ku nzoka eyo imbi? Nko kuli nkwa kaunka? Musa wakabweza kasamu a kuzumanana kuunka anjiyo. Wa kabeleka maleele a njiyo. Elyo nzoka eyo yakali mukati mwa kasamu aka kambi. Mwabona? Eco ncibotuloko. Embo na? Iiyi, munene.

118 Lino, sikulwanakristo uboola mu mumuni, bucebuce. Ndi yanda kuti mubonesye ceeci. Lino, cindi mwa mvwa. . .

119 Lino, ku beenzuma bangu bana Katolika, amu kkale buyo zii aniini, alimwi lino; elyo mpawo tula bona awo ba Protestanti; awo toonse mpo tubede, mwabona.

120 Amubone, mbungano ntaanzi, cindi mbungano ya Katolika yaamba kuti bakali bataanzi, mbungano ntaanzi, bali luleme ncobeni. Mbo bakabede. Ba katalikila ku Pentekoste. Nkooko mbungano ya Katolika nkoya katalikila. Lino, Nse kasyoma ceeco lomwe, kusikila Ne kabala makani akale, elyo Nda kajana kuti cakali luleme. Ba katalikila ku Pentekoste. Pele ba katalika kuleya, elyo nywebo mwabona awo mpo babede.

121 Elyo ikuti na Pentekoste yaleya cakufwambaana a kuleya nkoi jisi lino, taba kaunki kwa myaka ili zyuulu zyobilo. Mu myaka ili mwaanda kuzwida lino, bayo sakana kuleya kwiinda mbungano ya Katolika mbo ibede. Mbo mbubo.

122 Pele amubone, nzila, oyu sikutanta mbizi iituba. Lino twa bamba buyo ntalesyo yaco, asyoonto, kusikila tuume eci Cinamatizyo. Lino amubone sikutanta mbizi iituba, cindi na kazwa, walo—walo beleka mu zibeela zyoatwe. I dyabulosi, mbuli Mbwe kamutondezya busiku bumwi, uli mu butatu, mbubonya mbuli Leza. Pele ngu dyabulosi nguonya ciindi coonse, mu zibeela zyoatwe. Amubone zibeela zyakwe. Mu cibeela citaanzi, wa kanjila . . .

123 I Muuya Uusalala wakawa, elyo bantu baka jisi zintuzyonse zyeelene. Elyo Muuya wa Leza wakali ali mbabo. Elyo baapostolo ba keenda kuzwa ku ng'anda kuya ku ng'anda, kabaya bukomona mukamu antoomwe a bantu. Elyo kwakali zitondezyo a zigambyo zipati zya kacitwa.

124 Elyo—elyo mpawo, cintu citaanzi nywebo mulizi, Saatani wakatalika kucitya kutongauka kuboola.

125 Mpawo, kwiinde kaindi, aba bazike a bacete iba cisi, baka tambula Muuya Uusalala, ba kaunka ku masena andeene, kupa bumboni. Ba kapa bumboni kuli basimalela babo.

126 Elyo kwiinde kaindi, mpaawo kwakatalika kusika, oh, mbuli basilutwe bampi a—a bantu bandeene. I basimpuwo baka talika ku bona busicamba, a maleele a zitondezyo ezyo bantu aba nzoba kacita, aboobo baka zumina Bunakristo.

127 Ee, mpawo, nywebo mwabona, cindi na kabukata Bunakristo, a kuselemukila okuya ku busena nko bakali kuswaanganina, mu hoolo liniini lyakaindi, yaseenengo iisiya; a kukamba maanza abo, a koongolola, a kwaambaula mu myaambo, a kujana mulumbe. Baa, ta kakonzya kubweza eco kuli sikuzundana wakwe—wakwe, na kufumbwa mbocibede, mu mulimo wakwe. “Na taka Ci syoma, mbuli boobo.” Nee ncoben. Aboobo, weelede ku Ci sama. Aboobo baka talika kuboola antoomwe, a kutalika kuyeeya, “Lino tuyo panga cintucimwi ciindene aniini.”

128 Elyo Jesu, mpoonya biyo, ku bukkalo bwa mbungano ntaanzi, Wa ka baambila. Mu cipati 2 ca Ciyubunuzyo awa, “Ndi jisi cimwi nceku lwana, nkaambo ka yeeyi micito yaba Nikolayi.”

129 *Nikao*, “kuzunda” basimbungano. Mu majwi amwi, ba yanda kupanga, mucibaka ca muntu oonse kuba omwe, ba yanda kupanga mulombwana umwi uusalala. Ba kali kuyanda kupanga musyobo umwi wa ii . . . Ba kali kuyanda kucikozyanya mu buhedeni, kuzwa oko nkoba kazwida, elyo kumalekelo baka cicita.

¹³⁰ Lino amulangilile. Lutaanzi, “Nikolayi.” I *Nikolayi* ya kaitwa, mu Bbaibbele, kuti “sikulwanakristo,” nkaambo yakali kulwana Njiisyo ntaanzi ya Kristo a baapostolo.

¹³¹ Ta ndiyandi kwiita zina lya muntu oyu. Walo muntu mulemu. Pele Nda kali ku muswaangano wakwe, okuno myaka misyoonto yainda. Elyo wa kalizi kuti Nda kaliko, nkaambo Nda kasukana janza lyakwe. Elyo wa kati, “Oh, nywebo mulizi, tu jisi cili boobu sunu eco ncobaita kuti ba Pentekoste.” Elyo wa kati, “Ba, ba yaamina a Bbuku lya Incito.” Elyo wa kati, “Nywebo mwabona, Incito wakali mulimo biyo wa matantilo ku Mbungano.”

¹³² Sa inga mwa yezezya, muntu oyo wakaiya Bbaibbele, mudaala sicamba, alimwi wakaiya Bbaibbele mu nzila yayo oyo mulombwana mbwa kacita, alimwi mpawo inga waamba kaambo kali boobo? Ca kalimvwisya, ta ci. . . Ta—ta cimvwiki akwalo mbuli Muuya Uusalala. Ee, ta ceelede kuba, kuli koonse.

¹³³ Nkaambo, kufumbwa muntu ujisi kumvwisya kweelede inga waziba kuti Incito zya Baapostolo tii zyakali incito zya baapostolo. Zyakali incito zya Muuya Uusalala mu baapostolo. Sena tamuzi nzila mbo twa ka cikozyanisa mu makkalo aa mbungano? Balo Banyama bakkede alya, kaba langilila elyo Bbokesi alya. Matayo, Marko, Luka, a Johane, kabaimvwi alya, kabalangilila Elyo. Elyo Omuya nci caka citika, mbuli micelo ya kulemba kwa Matayo, Marko, Luka, a Johane.

¹³⁴ Eco nce ncico musamu ncowa kaleta wayo. . . kuzyala mutabi wawo mutaanzi, nkabela eco ncica kacitika. Elyo ikuti na musamu wasola kuzyala mutabi umbi, bayo lembe Bbuku limbi lya Incito kunze lya nguwo. Nkaambo, nywebo mwabona, mbubonya Buumi bweelede kuba mu cintu nciconya.

¹³⁵ Aboobo lino, sunu, cindi twa lingula mabungano esu aatubungwe, Methodisti, Baptisti, Presbyteria, Lutherani, Mbungano ya Kristo (mbo iitwa), aba Pentekoste a zintu, mpaali mpo tujana ceeco? Tamu ci jani pe.

¹³⁶ Ndiyo zumina kuti ba Pentekoste bajisi cintu cili muni maningi kuli Ncico, ciliko, nkaambo bali atala awa mu Bukkalo bwa Mbungano ya Laodikeya. Ba kali jisi Bwini nkabela baka Bu kaka. Ba kakasaala a Ncico, nkabela Leza waka baswida kuzwa ku mulomo Wakwe. Eco cileendelana ncobeni a Magwalo.

¹³⁷ To konzyi kubamba Magwalo kubeja. Mwabona? Alo nga kasimpe, lyoonse. Uta soli ku. . . I cintu biyo, uta soli kweelanya miyeeyo yako ku i. . . na Magwalo ku mbaakani ya miyeeyo yako. Pele ye. . . ko lyeelanya lwako a Magwalo. Mbubo, mpawo weenda a Leza. Takukwe makani kunji nkoelede kutenda, na kubikka ambali, koendelana a Ceeco. Wabona?

¹³⁸ Amulange nco Wa kacita ciindi citaanzi ni Wa kawa. Ee, ikuti na Leza waka lilemeka boobo ciindi citaanzi, We elede kuli lemeka mbubonya ciindi cabili. We elede kuli lemeka boobo ciindi coonse, nape Wa kaimpya kuli lemeka ciindi citaanzi.

Mwabona, mbuli mbo tuli bafwika, inga twa lubizya. Leza takonzyi.

139 Kusala kwa Leza kutaanzi kuli londokede. Elyo nzila Nja kasala kucita zintu, taku konzyi kuba imbi, nzila mbotu maningi. Ta konzyi kusumpula ali ncico, nkaambo cili londokede, ku kotalika. Ikuti na tacili obo, nkokuti Tali mupatikampatila. Alimwi ikuti na Walo mupatikampatila, nkokuti Uli zyi zyoonse. Elyo ikuti na Uli zyi zyoonse, Ngu singuzuzyoonse. Ameni! We elede kuba boobo, kukuba Leza. Mwabona? Aboobo tamu—tamu konzyi kwaamba, lino, “Wa kaiya kunji.” Ta kaiya kunji, Ngu i—Ngu kasensa nakonya ka busongo boonse. Mwabona?

140 Busongo bwesu awa bwakazwida kuli Saatani. Twa kabukona kuzwa ku Edeni, oko nko twaka sintanya lusyomo ku busongo. Eva waka cicita.

141 Lino, wa kali kutegwa sikulwanakristo lutaanzi. I cibeela cabili, wa kali kutegwa musinsimi mubeji, nkaambo oyo muuya akati ka bantu wakalifungula.

142 Nywebo mulayeeya, sikutanta mbizi iituba lino ta ka jisi musyini cindi na katalika, pele mpawo wa ka...kapegwa musyini. Nkaambonzi? Wa kali muuya wa Nikolayi, kukotalika; elyo mpawo wa kalifungula mu muntu; alimwi mpawo wa kasamikwa musyini, a kutambula cuuno cabwami nkabela wakasamikwa musyini. Elyo mpawo wa kabeleka kwa ciindi eco cilamfu, mbuli mbo tuyo bona twa...Zinamatizyo zyanamatulwa.

143 Elyo mpawo tu jana kuti, kwiinde ciindi eco cilamfu, Saatani waka tandwa ku Julu. Elyo wa kaseluka ansi, kweendelana a Magwalo, a kulipa cuuno cabwami lwakwe. Amuyeeye buyo, kalipa cuuno cabwami lwakwe mu muntu oyo, a kuba munyama. Elyo wa kajisi nguzu, nguzu ziinda, mbuli obo mbwa kacita, maleele oonse a zintuzyonse, ezyo—ezyo, na kujaya a nkondo zyamalowa a zintuzyonse ezyo—ezyo Rome nzyo yakakonzya kuleta. Yaa. Wa kajaya kwiinda ku cisubulo, ca lunya cabana Roma. Buyo, oh, obo mbo tukonzya kunjila mu Magwalo awa!

144 Amuyeeye, Jesu Kristo wakafwa kungsi lya cisubulo ca Rome, cisubulo calufu.

145 I Mulumbe oyo Ngwe jisi mu moyo wangu, wa kukambauka atala awa ku muswaangano uccilila, masikati a Bwasanu Bubotu, ukkwanya zintu, zyotatwe na zyone, mwabona. “Okuya baka Mu bambula.” “*Okuya*,” busena, bwabukombi busalalisya mu inyika bwakali bwa Jerusalemu. “*Balo*,” basalala kapati (bayeeyelwa kuba) bantu mu inyika, ba Juda. “Okuya baka *bambula*,” cisubulo ca lunya maningi eco Rome nciya kakonzya kuleta. “Amu *Mu* bambule.” Inzi? I Muntu mupati loko wakasola kupona. “Okuya baka Mu bambula.” Oh, ma!

¹⁴⁶ Leza ndigwasye uyo Ci zumbanya mu nkamu eyo ya basimakwebo, kusikila baka konzye kubona mpo baimvwi. Ncibotu. Lino, kutali kuba wiimpene, kutali kuba mubyaabi; pele kuzunganya Ceeco, kusikila balo bakwesu baka konzye kubona kuti balemekwa a matata aasalala abo, a zintu nzoba lemba mu mutende oyu wa Bantu Bamakwebo, nzya bufuba. Banakristo tabeelede kwiita muntu uli oonse kuti “Taata.” Ba katalika kaindi, Nda kasola kuba gwasya mu zintuzyoonse Nze kakonzya (Nywebo mwabona lino eyi teepu nko yuunka.), aboobo, Nda mana, nincobeni Ta ndikabi acintu cimwi cimbi cakucita a njyio. Yaa. Lutaanzi, amuyeeeye Kristo.

¹⁴⁷ Lutaanzi, mbuli Nik- . . . Nikolayi, alimwi ncinzi bukkalo bwa Nikolayi ncobwa kalomba? Bwa kalomba kugwisywa nkamu ya bantu abo bakali koongolola a kukamba maanza abo, a ziboneka mbuli zyamause; mbuli mbo bakacita aa Pentekoste, kulilemeka mbuli bantu bakolwi, kaba dadalika mu Muuya, a zintu. Tii baka yanda cimwi ca zintu zili boobo. Ba kati bakali koledwe. Elyo cindi basimpuwo. . . Amuswiilile! Muta ciimpayi eci. Inga camwika kunyongana kuli ndinywe, pele nca Bwini. Cindi i—i balemekwa niba katalika kunjila, teeba kakonzya kucilesya eco.

¹⁴⁸ Eco Leza ncabamba bupati, nku kaambo kakuti Walo mupati kwini kuli tola ansi. Eco nceci Mu bamba kuba mupati. Taakwe cintu cipati maningi. Elyo Wa kalitola aansii maningi awo umwi mpa takakonzya kulitola aansii, cakuti muntunsi uli oonse mpa takasola kulitola aansii. Wa kali Mwaami waku Julu, alimwi Wa kasika ku i—i ku munzi waansi kapati aa nyika, Jeriko. Elyo Wa wakaba aansii kapati cakuti awaloo muntu mufwaafwi maningi mu dolopo waka cita kulangila ansi ku Mu langa, ku Mu bona. Sa mbo mbubo? Zakeyo. Mbo mbubo. Wa kaitwa zina bbi kapati elyo muntunsi umwi ndya kakonzya kwiitwa, “musonzi, dyabulosi, Bezebule.” Eco ncencico nyika ncoya ka Mu yeeyela. Wakafwa lufu lwalunya maningi. Ta kajisi busena bwa kulazika mutwe Wakwe. Wakatandwa, ku kabunga akamwi.

¹⁴⁹ Pele cindi Leza naka Mu sumpula, atala maningi kusikila Wa kalanga ansi kukubona Julu. Mwabona nzila, Leza, mu bubombe. Mwabona? Elyo Wa ka Mu pa Zina pati loko cakuti mukwasyi oonse waku Julu uuzikidwe Nguwe, alimwi mukwasyi oonse wa i—i nyika. Oonse mukwasyi waa nyika uuzikidwe “Jesu.” Yoonse mikwasyi yaku Julu yuuzikidwe “Jesu.” Elyo Zina lili boobo, kuti, mazwi oonse ayo fugama, a mulaka woonse uyo amba, kuli Nguwe kuba Mwami; nanka okuno na mu gehena. Gehena uyo fugama kuli ndilyo. Zintuzyonse zimbi ziyo fugama kuli ndilyo. Mwabona? Pele lutaanzi bwakali bubombe, mpawo lyakaba pati. Mwabona? Alekwe Leza asumpule. “Oyo ulibombya mwini, Leza uyo musumpula.” Mwabona?

¹⁵⁰ Lino, twa bona oyu muuya wa *nikao* kuti wakali kuyanda busongo, kusongwaala maningi. Ca kacita kucibuzya, mbuli mbo

cakabede mu Edeni, kabuzya kulwana Ijwi lya Leza, kwiinda ku busongo, nkabela mbungano yaka cengwa kuli mbubo. Ino cakali cinzi?

¹⁵¹ Lino, atwambe, amubweze eyi mbungano awa, a kubweza nkamu ya bantu mbuli ndiswe, ikuti na mwaka zwide Muuya wini. Elyo atu bweze, kwaamba . . . Lino, kwiina kulwana meya wa dolopo lyesu. Ta ndiyeeyi kuti Ndi limuzi, Ba. Bottorff. Sa ucili meya? Ba . . . Ta ndizi . . . Mwabona? Ta ndi . . . Ba. Bottorff mweenzuma wangu mubotu, mwabona. Pele, kwaamba, meya wa dolopo, a yoonse mpi ya basilikani, a—a boonse basilutwe bapati, alimwi ba—ba boola okuno boonse. I cintu citaanzi nywebo mulizi, ikuti na bajana cintu ciniini mu kuyeeya kwabo, a kotalika kwaambaula ku bboodi a bantu boonse awa, a kwaamba, “Lino mulizi cintu na? Eci ceelede kuba candeene.” Ikuti na toka zulwa Muuya, a kujana muntu waka zuzigwa Muuya wini kunze lya cikambaukilo, cintu citaanzi nywebo mulizi, inga mwa langanya mbabo. Ndiza kutali nzyalani eyi; ndiza nzyalani itobela.

¹⁵² Eyo nje nzila mbo cakatalika mukati. Mwabona? Nkaambonzi? Ba kali kwaamba kuti, “Amulangisye awa. Ci mvwika kabotu.” Inga, inga mwa swiilila.

¹⁵³ Kwaamba muntu kunjila omuno, ukonzya kwaamba kuti, “Eyi mbungano ni niini kapati. Atu yake mbungano mpati. Ndiyo muyakila yomwe atala awa, ili . . . iyo dula kwa mali manji loko, cisela camadollar ali milioni. Iyo zuzya omuya. Njo bikka cintu ali sikapepele.” Cindi bacita boobo, mpawo bajisi kaleba kakukwenga; ziindi zili fuka kuzwa mu kkumi, nywebo mulizi, umwi musyobo wayo. Cintu citaanzi nywebo mulizi, mpawo, ikutina wa cita, uleenzya zintu ku kweelela nguwe. “To konzyi kwaamba cintu, nkaambo Mukwesu John Doe kusule okuya, nguulanga mali aa mbungano eyi.” Mwabona? Elyo mpawo mwatola Ricky muniini kuzwa seminari imwi, oyo uzi makani manji a Leza mbuli muna Hottentoti mbwa cita kujatikizya busiku bwa muna Egepita, elyo uyo boola ambali awo nkabela uyolanganya mulombwana oyo, nkaambo ula muulila mootokala mupya ciindi coonse, ula mulekela kweenzya koonse, a ku muulila *ceeci, eco*, alimwi a *cimbi*.

¹⁵⁴ Lino, mbo mbubo ncobeni mbo cakatalika kweenda. Mbubo. Amubone, busongo a kusongwaala! Ba kati, “Lino amulangisye awa, ta cimvwiki biyo kabotu na? Lino, i . . . banakazi besu—besu, ndwandaano nzi ndocipanga nzila mbo babamba masusu abo?” Pele Bbaibbele lilaamba kuti cibamba lwandaano. Amubweze buyo cintu comwe, kunze lya myaanda ya bamwi. Mwabona? Ci bamba lwandaano. Leza wakati cibamba lwandaano, aboobo ciliindene.

¹⁵⁵ Pele, nywebo mwabona, ikuti na batalika ceeco, alimwi bboodi ya basyomesi, a bamadaikona a zintuzyonse, cintu

citaanzi nywebo mulizi, mweembeli uyo njila na kuzwa. Kwa mana. Mwabona, balo mbantu baka cisala kuba. Yaa.

¹⁵⁶ Lino amubone, oyo muuya wakatalika kweenda, nkabela mbungano eyo yalo, yalo, yakaba ya balemekwa maningi muli njiyo, zintu zipati maningi, alimwi mali manji loko akatalika, kusikila nikwakainda kaindi baka ciswilila a kucengwa kuli ncico, bupyungi bwa dyabulosi.

¹⁵⁷ Alimwi eco nce cintu cini eco Eva ncakacita mu muunda wa Edeni. Lino, mwa cimvwa eco. Mbo mbubo. Amulange, mwanakazi wakunyama, nabwiinga wa Adamu, katana boola kuli nguwe mbuli mukaintu, waka cengwa ku mancenjela aa Saatani kulwana Ijwi lya Leza, kwiinda Ku kulibuzyabuzya. Cindi Adamu katana pona a Eva mbuli mukaintu, Saatani waka mwiindila awo. Mbo mbubo. Mwa kamvwa *I Samu Lya Nabwiinga*, Nda kaukambauka. Oyo wambaula ndilyo, mwabona. Yaa. Lino amubone, awo, Eva wacengwa kukubuzyabuzya. Lino walo, Saatani, wakasoleka ku Li buzyabuzya.

Wa kati, “Pele Mwami wakati. . .”

¹⁵⁸ Wa kati, “Oh, nywebo mulizi, pele ncobeni Mwami takaciti. Mwabona? Yebo, yebo uyanda kuba musongo. Yebo uyanda kuziba cintucimwi. Baa, toli cintu pele mwana utaambauli. Wabona? Yebo weelede kuziba cintucimwi.” Ikuti na oyo tali Saatani! Oh, ma!

¹⁵⁹ Ikuti na ezyo tazili zimwi zya, busyaasunu, mwabona, “Oh, balo ncikama buyo ca babumbulusi basalala. Uta ba swiilili, nywebo mwabona. Muta unki. . . Mwabona?”

¹⁶⁰ Lino, kunyama, nabwiinga mutaanzi wa mukowa wabantu, mulumi wakwe katana boola kuli nguwe, waa kawa kuzwa ku luzyalo, ku kuswiilila bubeji bwa Saatani, Leza naka mana kumu kwabilila kunze lya Ijwi Lyakwe. Ikuti na kakkala kunze lya Ijwi, na takawa pe. Lino oyo ngwa kunyama, amubone, mwanakazi wakunyama.

¹⁶¹ Elyo ino lwakali lutuko nzi, lutuko lwini lwa kuzwa kunze lya Ijwi lya Leza?

¹⁶² Lino amuyeeye, waa ka Li syoma mapeseenti ali makumi ali fuka alusele. Pele weelede buyo kulekela Cintu comwe kwiinka. Mwabona? Waa kasyoma kunji loko kwa Ndilyo. Oh, masimpe. Wa kaamba Eci, nkabela Saatani waka zumina kuti Eco cakali luleme. Ikuti wa konzya buyo kuku bikka ku kkona, nku koonse nkwa yanda. Mwabona? Cintu biyo ncoelede kucita nkupa musyonga kunyona kuniini munzila *eyi*, elyo uyo impya mbaakani. Mwabona? Kwa mana. Lino, waa ka Li syoma maningi, pele nekuba waka ciimpya.

¹⁶³ Lino, alimwi i—alimwi cakatobela, nkaambo waa kasiya Ijwi, ku kapapu komwe kaniini ka kubuzyabuzya.

164 Ee, kwamba lino, “Ino kujatikizya banakazi?” Na, “Nkaambonzi uyanda kwaambaula cintucimwi mbuli ceeco?” Pele kufumbwa cintu ca zeezyo ziniini. “Ino ndwandaano nzi, naa cintondezyo citaanzi?” Calo ncintucimwi kuli ncico! Yebo we. . .

165 Calo ceelede kululamikwa. Twa ka Ci yeeyela buyo, kwiinda mu makkalo aa mbungano ali ciloba, kutandila. Pele oora lyasika cindi Leza na Ci kanana. Elyo Ta Ci kanana biyo, pele Ula Ci tondezya, aku Ci simpikizya, aku Ci zibya. Mbo mbubo. Ikuti na Ta ciciti, nkokuti tali Leza, kwa mana. Leza ulaima kunze Iy Ijwi Lyakwe.

166 Amubone lino. Lino, mwanakazi wakunyama wakacitya lufu lwakunyama, nkaambo waa kaswiilila kubuzyabuzya, kuli bamba kuti abe musongo mwini, kuli bamba kuti abe musongo mwini mu cibaka ca kukkala kunze Iy Ijwi a kucita eco Leza ncaka mwaambila kucita. Waa kayanda busongo, a kuba musongo. Elyo waa kaswiilila kubuzyabuzya, nkabela—nkabela waa sweekelwa mukowa wabantu oonse. Mwabona?

167 Lino, ciindi eci, mwanakazi wakumuuya, Nabwiinga wa Kristo waka talikila aa Buzuba bwa Pentekoste, a Mbungano ntaanzi ya baapostolo, waka sweekelwa cintu nciconya ku Kkansa yaku Nicaea. Lee, ulizi kuti eco cili luleme. Elyo ku—ku Kkansa yaku Nicaea, cindi na sintanya nguzu zyakwe zyakuzyalwa zyakumuuya, ku kubweza mabungano mapati aa Constantine a zintu nzya kabapa okuya, elyo wa kasambala nguzu zyakwe zyakuzyalwa Zyakumuuya ku cikama catuyanza twa buzumini bwaba Roma. Lino, eco nciyumu kuli Katolika. Pele Protestanti yakacita cintu nciconya, a kwiiminina, mu Bbaibbele awa, mbuli mwanamusimbi “wa sibwaamu, wa muvuule.” Eco cili luleme ncobeni, umwi aumwi wabo! Kwiina ntamizyo.

168 Pele kuzwa awo kwakali musyaalizi muniini lyoonse, ambali nconzyo, oyo uunka kupanga Nabwiinga.

169 Amubone, waa kasweekelwa nguzu zyakwe zyakuzyalwa, mwabona, mulumi wakwe katana sika kuli nguwe. Mwabona? Kakutanaba mucado, waa ka sweekelwa bubotu bwakwe.

170 Elyo lino mula yeeya okuya, waa kati, “Nda kkala mbuli namalelo. Taakwe cintu ncebulide,” mu Bukkalo obo bwa Laodikeya. “Ndili vubide a kwiindila mu lubono, a zimwi zimbi. Elyo, oh, inyika yoonse ilangila kuli ndime. Ndili mbungano, mpati iisalala, abumwi bumbi. Tuli *boobu*,” bukkalo boonse.

171 Elyo Wa kati, “Yebo tozyi kuti uli cinswe, moofu, usampaukide, mupenzi, mucete, nkabela to cizyi.” Eco nce ciimo. Lino, ikuti na Muuya Uusalala wakaamba ciimo kuti ciyooba mu nzila eyo mu mazuba akumamanino, cili munzila eyo! Takukwe nzila yaku ceenguluka. Eyo nje nzila mbo cibede.

172 Lino amulangilile. Lino, cindi na kasambala nguzu zyakwe zyakuzyalwa, inguzu zyakwe zibotu, zya Ijwi, ncinzi nca kacita? Cindi Eva nakacicita, waa ka sweekelwa bulenge; bulenge boonse bwakawida kungsi lyakwe.

173 Lino amubone, alimwi cindi mbungano niya kacicita, kuzumina kayanza kabuzumini mu cibaka ca Muuya a Ijwi, caka singanya ciyanza coonse. Ciyanza coonse cakabungwe eco cakaliko lyonse, na ciyooba lyoonse, caka singanisigwa a ncico, a kuwa, nkaambo kwiina nzila imbi.

174 Cindi mwa bikka nkamu ya bantu antoomwe, ku kumvwisya cintu cili coonse, umbi ujisi mutwe munzila *eyi*, a umbi ujisi mutwe munzila *eyo*, a umbi ujisi mutwe munzila *eyi*. Elyo ba kabikka zintu antoomwe a ku cizunganya, alimwi, cindi ni cakalibonya, nce ncico ncomwa kamu janina.

175 Eco ncencico ncobeni nciba kacita ku Kkanso yaku Nicene. Eco ncencico nciba cita ku Methodisti, Presbyteria, Mbungano ya Kristo, a bamwi babo. Elyo kwiina muntu, takukwe makani eco Leza ncamu yubunwida, weelede ku ciyiisya ku nzila ya zyelelo zyabo, buzumini bwabo bwabukombi—buzumini bwabukombi mbo bwaamba, nape bayo kutanda. Lino, uta ndaambili. Nda kaliko okuya, kubona, alimwi Ndili cizi.

176 Elyo nciconya ncobeni caka citika, aboobo cintu coonse caka singanisigwa. Ta cigambyi angelo nakati, “Amuzwe muli nguwe, nobantu Bangu, kutegwa mutabi basicaabilo ba zipenzyo zyakwe.” Nkaambo, walo ulainka... Waa katukwa, alimwi weelede kupengela lutuko lwa bukali bwa Leza ali nguwe, nkaambo waa kasambala bubotu a nguzu zyakwe. Mwabona? Pele... Oh, ma!

177 Pele, amuyeeye. Mukubona ciimo eco coonse, pele nekuba Leza wakasyomezya, muli Joeli 2:25, ikuti na muyanda kucilemba, “Ku mazuba akumamanino...”

178 Cindi Na kati, “Eco diingo ncolya kasiya, camusokonya waka cilya. eco camusokonya nca kasiya, i—i nsabaandwa zya kacilya; eco nsabaandwa ncoya kalya...” Kuyabuya ansi, kauka a kauka, ka kasika a kulya Mbungano eyo kusikila kumalekelo Tii yakacili cintu pele cifumpu. Amulangilile! Eco ba Roma ncoba kasiya, ba Lutherani bakalya; eco ba Lutherani ncoba kasiya, ba Methodisti bakalya; alimwi eco ba Methodisti ncoba kasiya, ba Pentekoste bakalya; mwabona, kusikila yasika ansi ku cifumpu.

179 Elyo sena mulizi cintu? Amubweze ezyo zivunyungwa omuya, nsabaandwa a camusokonya, azimwi zimbi, elyo inga mwa zitobezya kwiinda mu i—i bbuku, a kuziba. Calo ncivunyungwa nciconya mu zibeela zyandeene.

180 Jatilila kaambo kako. Aboobo nzezyo Zinamatizyo! Zivunyungwa nzizyonya. Muyo cibona cindi twa ku citondezya, aboobo Njo mwaambila lino. Ncivunyungwa nciconya, ciindi

coonse. Ezyo zivunyungwa zyone; zyone awa. Elyo nzezyo mbozibede, zyalo ncintu nciconya. Walo muuya nguonya. Eco cimwi ncocakasiya, cimbi cakalya; alimwi eci cimwi ncocakasiya, cimbi cakalya; mbuli boobo, kusikila zya kaileta ku cifumpu.

¹⁸¹ Pele Joeli wakati, “Njo boozezya, mbwaamba Mwami, myaka yoonse camusokonya ncakalya.”

¹⁸² Ino ncinzi? Mbobuti Mbwayo cicita; ikuti na wa kacitalisya, sikulwanakristo, kwiinda kulwana lwiiyo lwa Kristo, yaka zumina kayanza kabuzumini mu cibaka ca Ijwi? Elyo kwiinda mu myaka basilubambululo baka cidumpukila, mbuli Bbaibbele mbo lyakaamba.

¹⁸³ “Pele ku buzuba bwamamanino, ku kulila...” kwa Ciyubunuzyo 10:1-7, Wa kati, “I maseseke aa Leza ayo manizigwa ku mazuba akumamanino, ku kulizya kwa angelo waciloba.” Malaki 4, wakati inga Uyo “Tuma Eliya kabutana boola buzuba bubu aa nyika, cindi Aku yuumpa mbuli ceengelo. Elyo uyo boozezya, a kujosya i—i bana ku Lusyomo lwa matata,” I Lusyomo, lutaanzi, lwabaapostolo lwa Pentekoste lwaka syomezegwa ku boozegwa. Lino, eco cilantangalala buyo mbuli Lugwalo mbo lukozya ku caamba. Lino caka syomezegwa. Elyo ikuti na tuli ku mazuba akumamanino, cintucimwi ceelede kucitika. Mwabona? Alimwi cili mukucitika, alimwi tuli muku cibona.

¹⁸⁴ Amubone butatu bwa Saatani. Muntu nguonya kaboola; kulifungula buyo, kuzwa kuli omwe kuya kuli umbi. Eyo nje nzila tuuka njo twa kacita, zyalo zivunyungwa, comwe kuli cimbi, mbubonya. Nikolayi, “sikulwanakristo wakumuuya.” Poopu, “musinsimi mubeji.” “Munyama,” dyabulosi wini, walifungula. Ta konzyi kucicita . . .

¹⁸⁵ Lino, amu bikke eco mu mizeezo yanu lino, cindi mwa tobela eci. Muyo bona aba basikutanta kaba boola cigaminina kuli ceeco. Mwabona, Ndi mubikkila cifwanikiso awa. Ikuti ni Nda cibikkide aa bulakibboodi, nimwa konzya kucimvwisya kabotu. Mwabona, Nda langilila.

¹⁸⁶ Lutaanzi, lino. Mula yeeya eci. I cintu citaanzi mbwa bede, walo “muuya wa sikulwanakristo.” Johane wakaamba boobo. “Nobana baniini, muuya wa sikulwanakristo ulabeleka kale mu bana batamvwi.” Mwabona, eco cintu caka talika. Elyo mpawo ka kabaanga “nkaambyo,” mu bukkalo bwa mbungano butobela. Elyo bukkalo bwa mbungano butobela, yakali “njiisyo.” Elyo bukkalo bwa mbungano butobela, yaka “samikwa musyini.” Lino sa eco tacili antangalala buyo mbuli kubala oonse mpo konzya ku cibala? Mwabona? Mwabona, ngooyo wasika.

¹⁸⁷ Lino, lutaanzi, wa kali kutegwa (nzi?) “muuya wa sikulwanakristo,” nkaambo wakali kulwana Ijwi. Nce ncico caka talika. Eco ncencico cintu coonse nca kacita, wakali kufutata

ku Ijwi lya Leza. Kutali kuti Eva nakali kuyo uma Kaini buzuba bumwi. Mwabona? Tacili ceeco caka cicita. I cintu citaanzi caka cita cintu coonse, cakali cakuti waa kafutatila Ijwi. Waa kafutatila Ijwi. Elyo cintu citaanzi, caka talisya bwaamu mu mbungano ya Leza muumi, Nabwiinga wa Kristo, waa kafutatila Ijwi a kuzumina kayanza kabuzumini kabana Roma mu cibaka ca Ijwi lya Leza. Ncinzi cakacitika ku kabunga akamwi? Ca kacita cintu nciconya.

¹⁸⁸ Lino, pele wakasyomezya kuti ku mazuba akumamanino Uyo bamba nzila ya kuboomezeya alubo. I Ijwi lya Mwami liyo wida aa nyika, mbuli Mbwa kacita ku matalikilo, alimwi, oh, alimwi uyo boomezeya (nzi?) caka citalika. “Kulwana Ijwi.” Elyo ncinzi oyu mulombwana nca elede kucita cindi aboola, kananikidwe a Muuya wa Leza? Walo “ujosya buyo Lusyomo lwa bana kujokela ku matata.” Eyo nje nzila Mbwa boomezeya. Elyo mula jana eli Ijwi ndilyonya, mu busena bomwe kuti Lili *Waano*, Lilo cita cintu nciconya.

¹⁸⁹ Jesu wakati, “Ikuti na muntu uli oonse waba Wangu! Elyo oyo uusyoma muli Ndime, milimo eyo Nje cita uyo icita awalo.” Elyo cindi nibaka Mu buzya kucita zintu zimwi, Wa kati, “Ndi cita buyo eco Taata nca Ndi tondezeya. Nse citi cintu kusikila Nda cibona, kusaanguna. Eco Nce bona Taata kacita, eco Nce cita ambebo. I Taata ulabeleka, alimwi mpawo Nda beleka lyonse.” Mwabona? Sena mwa cibona? Baa, cili mbuli kubala mutende. Mwabona?

Lino, lino, lutaanzi, mpawo, wa ba “sikulwanakristo.”

¹⁹⁰ Lino, ta kakonzya kuba sikulwanakristo biyo mu muuya. Mpawo, wa kaba sikulwanakristo, alimwi oyo muuya wakabweza muntu waka yiisya zintu nzyoonya eco muuya oyo wa sikulwanakristo nco wakali kucita, elyo mpawo wa kaba “musinsimi mubeji,” ku muuya wa sikulwanakristo. Lino ino kujatikizya muntu mu kabunga? Kolyeeleka omwini. Ta ndizi nco yeeya kujatikizya ncico. Yaa.

¹⁹¹ Lino, kumalekelo, wa ba “munyama.” Lino amulindile, nkabela tula njila muli ceeco kwainda kaindi, mwabona. Yaa.

¹⁹² Lino, mbuli butatu bwa Saatani mbo bubikkidwe obo; Saatani, ciindi coonse. Saatani, “muuya wa sikulwanakristo.” Muuya wa sikulwanakristo, walifungula, “musinsimi mubeji.” Mpawo, waba “munyama.” Mwabona? Cindi. . . Kutali daimona, elyo lyakali muli sikulwanakristo oyo; pele cindi Saatani lwakwe aakutandwa, uyo seluka a kweendelezeya busena awo daimona mpo lya kabede. I dyabulosi, mpawo, mpawo dyabulosi walifungula mu muntu. Lili loolola buyo lini.

¹⁹³ Obo Judasi Iskarioti mbwa kabede. Elyo ncinzi nca kacita? Wakali umwi wa balombwana bakali kulwana Kristo? Baa, wa kali muyobozi wamali, wakeenda Nguwe. Ncamasimpe.

Wakeenda ncobeni antoomwe ambabo. Wakaunka kumasena a kuyo tanda madaimona, a kucita mbubonya mbo bakacita.

¹⁹⁴ Elyo Kristo wakali Leza wakalifungula; Leza, kulifungula mu mubili, Emanueli. Elyo Judasi wakali mwana wa lunyonyooko. Alimwi Jesu wakali Mwana wa Leza. Leza wakalifungula; dyabulosi wakalifungula.

¹⁹⁵ Bantu bamwi bakabona biyo zipingano zyotatwe ku ciindi eco. Bakali bone babo. Kwakali botatwe aa Gologota, abo mbo twa kabona. Oyo wakali Jesu akati, mubbi kulumwesi Lwakwe, a mubbi kululyo Lyakwe.

¹⁹⁶ Elyo amulangilile. Umwi mubbi waka aambila umwi umbi, na wakaambila Jesu, “Ikuti . . .” Lino, uli zyi kuti Walo ndi Ijwi. Pele, “Ikuti na uli Ijwi, sa toko lifutula lwako? Sa toko cita cintucimwi kujatikizya ncico?”

¹⁹⁷ Eco nce cintu nciconya sunu. Sena timwakamvwa kuti madaimona aya kaindi akasika, akwaamba, “Ikuti na usyoma mu kuponesegwa kwa Buleza, *ngaaya* meso a muntuumwi, sa toko jula meso abo?” “Nduume ndofwaale! Nduume ndofwaale!” Oyo ngu dyabulosi nguonya wakaindi. Mwabona? “Koseluka aa ciingano, tula ku syoma.” “Ikuti na uli Mwana wa Leza, sandula mabwe aya abe cinkwa.” Dyabulosi nguonya.

¹⁹⁸ Wa keenda buyo kuzwa, mwabona. Peepe. Eyo nje nzila Jesu nja kacita. Ta ka sangabalisyia umwi wabo.

¹⁹⁹ Kabikka kalembo ku janza Lyakwe. . . atala lya meso Akwe mayandisi, mbuli *boobo*. Elyo baka bweza kasamu, a ku Muuma atala lya mutwe. Kati, “Twa ambile! Ikuti na uli musinsimi, lino twa ambile wa kuuma.” Ba kasintana kasamu, umwi kuli umbi. “Lino twa ambile wa kuuma, elyo tula kusyoma kuti uli musinsimi.” Ta kajula mulomo Wakwe. Wa kakkala buyo alya. Mwabona? Ta sangabalisyi. Walo ucita biyo mbuli Taata mbwaamba, nywebo mwabona. Mwabona? Aba zumanane. Ciindi cabo casika. Muta pengi. Iiyi, Munene. Lino, baka guma cikobela Cakwe, taakwe niba kamvwa nguzu.

²⁰⁰ Pele mwanakazi muubauba mucete, waka jisi kubula, waka guma buyo cikobela Cakwe. Wa kanyona a kwaamba, “Nguni wa Ndi guma?” Uh huh. Ino ncinzi? Ii kugumwa kwandeene. Ciya buyo nzila mbo Mu guma, nywebo mwabona, mwabona, eco nco syoma. Lino, nywebo mwabona?

²⁰¹ Lino, mbuli Saatani mwayo. . . walifungula mwini, kuzwa kuli sikulwanakristo ku musinsimi mubeji lino. Elyo mu mazuba abama Juda, ngu “sikulwanakristo,” akati ka mbungano ntanzi. Mu makkalo aamusinze, wa kaba “musinsimi mubeji,” ku inyika. Amumubone awo kajisi “nkomeki yakwe ya milandu”? Lino, eco ncaku bukkalo bwa mbungano lino.

²⁰² Pele mu bukkalo Mbungano yakumana kuunka ku Muuzi, wa ba munyama, wa ba dyabulosi walifungula, simwaaba

uusubila mwini. Oh, ma! Sa tamu konzyi kubona eco Nce wamba? Wali fungula mu bantu bakwe mpawo. Uli jisi bantu bakwe baangidwe ku nguzu zyakwe. I musinsimi mubeji waka basinsima moonya muli ncico. “Kubapa ku lweeno lupati, iku kusyoma bubeji a kunyonyoonwa kuli mbubo.” “Kabakaka Ijwi; a ciwa ca bukombi.”

²⁰³ Leza ulabeleka, busena Bwakwe, mu butatu. Kululamikwa; kusalazigwa; a kulifungula Mwini mu bantu Bakwe, a lubbizyo lwa Muuya Uusalala.

²⁰⁴ Cintu nciconya, dyabulosi uli biyo mu cimvule, kukozya Kristo. Oh, Saatani walifungula mwini mu. . . Lino amulangilile. Saatani. . .

²⁰⁵ Cindi Jesu alifungula Mwini mu bantu Bakwe, mbubonya Buumi bwakali muli Kristo buli mu muntu.

²⁰⁶ Ino inga cacita nzi ikuti waka gusya buumi kuzwa ku musaansa wamagileepu a kububikka mu musaansa wa cipusi? Inga tii wazyala limbi mapusi; inga wazyala magileepu. Ino kuti wagusya buumi kuzwa ku samu lya piichi a kububika mu samu lya mapiasi? Sa inga wazyala mapiasi? Peepe. Ula zyala mapiichi. I buumi bulaamba mbo libede. Mwabona?

²⁰⁷ Cindi waamba, kuti umvwa bantu baamba kuteeti bajisi Muuya Uusalala, nkabela bakaka Ijwi eli, kuli cintucimwi cilubide. I Muuya Uusalala wakalemba Ijwi elyo.

²⁰⁸ Elyo Jesu wakaamba boobu, “Ikuti na muntu ujisi Muuya Wangu muli nguwe, uyo cita milimo Yangu.” Mula yanda kubala eco? Muyanda kulemba ceeco? Walo Musalali Johane 14:12. Inzya. Ncibotu. “Oyo usyoma muli Ndime, milimo eyo Nje cita uyo icita awalo. Akwalo minji kwiinda yeeyi uyoici cita, nkambo Nda inka kuli Taata.” Mwabona? Mpawo Ula musalazya a kumusanzya, kutegwa akonzye kwiima kumbele lya Leza. Elyo dosi lya inkii liwida awo, aku mulandusya mugelo. Mwabona?

²⁰⁹ Lino amulangilile. Saatani, cindi ali fungula mwini mu balelwa bakwe, bala cita mulimo ngwa kacita. Sa tamu boni? Ino wa kacita nzi? Kaboola nkoonya ku mwanakazi oyo uentakwe kaambo, ku mucenga. Alimwi ncencico amwi madaimona aya nca cita, alaboola moonya mu busena a kwaamba. . . Ii mweembeli muniini ula talika, kubusena bumwi; kunjila a kwaamba, “Oh, ikuti na watusangana buyo!” Huh! Huh! I dyabulosi nguwenya ulabeleka. Lino, obo Mbwini! Elyo cindi Saatani alifungula mu mbungano yakwe, kuba dyabulosi, mpawo mbe mbabo bazinyauna a kujaya, abumwi bumbi. Nkaambo, Saatani ngu sikujaya, mu busena butaanzi; mubeji alimwi ii. . . Mwabona? Yaa.

²¹⁰ Ncinzi Saatani nca cita cindi acita, cindi ali fungula akati ka bantu? Ni ncito yakwe ya kusongwaala. Uli songweede. Amu lilingule Bbaibbele, alimwi mudi tondezye awo Leza mpa kasola kubeleka a bantu bapampu. Amu ciyandaule,

nkabela mubone ikuti na lyoonse tabali bapampu abo banjidwe madaimona. Ndi bbala pati, pele ndya bwini. Nda muzundikizya kuti mubweze i—i mizukulu, kuzwa kuli ba Abela kusika kuli Kaini; alimwi, alo mazyalani ali kkumi aone, amwa tobezye, a kubona kuti mbaali bakali ku lubazu lwa basongo, alimwi mbaali balo babombe. Uh huh.

211 Nkaambonzi Jesu nca kasala bantu bali boobo? Wa kabweza bazeli banswi a bantu batali kukonzya akwalo kusaina mazina abo eni, kuba bikka kuba beendelezi ba Mbungano Yakwe. Mbo mbubo. Busongo ta—ta cili cintu; bu—bu lwana Kristo. Busongo bwanyika bulwana Kristo, lyoonse. Jesu taka twambila kwiinka kuyo yaka maseminari pe; Ta kacicita; kuba a zikolo zyakwiya Bbaibbele. Wa kati, “Amu kambauke Ijwi! Amu kambauke Makanimabotu!” Elyo mpawo ikuti na Wa kati, “Ezi zitondezyo ziyo batobela abo basyoma,” mwabona, muyo elela kuba i . . . Mu majwi ambi, Wa kati, “Kamuya mukatondezye Nguzu zya Leza, ku misyobo yoonse.”

212 Lino amulangilile. Incito ya Saatani nkusandula sandula Ijwi lya Leza, ku kubuzyabuzya kwa busongo. Oh, ma! Oh! Mpawo ula gwala balelwa bakwe, kwiinda mukukaka Ijwi lini. Lino amuleke eco . . .

213 Sa mula—sa mula—sa mula ndizumizya aniini buyo ambi, a kubweza ceeci? Eci, Ta ndiyandi kuti mwiimpye ceeci. Andi mutondezye ku cikozyanyo, kutegwa mukonze kucibona coonse mu cikozyanyo a mu Ijwi, a zintuzyonse. Tamu—tamu konzyi . . . Ta mweelede kuzwa kamu nyongene.

214 Mu Cizuminano Cakale, cindi muntu naka sambalwa ku buzike. Mpaawo kwakasika mwaka wa jubbili, mu myaka ili makumi osanwe lyoonse. Mwaka wamakumi one afuka, elyo mpawo mwaka wa jubbili. Elyo cindi muzike nakamvwa ceeci, alimwi wa kali kuyanda kwangululwa, takukwe—takukwe cintu cikonzya kumusinkila kwaanguluka. Ula konzya kulosya jamba lyakwe, a kwaamba kuti, “kwa ciindi cilamfu,” kujokela ku muunzi. I mweembo wakalila. Mbo mbubo.

215 Pele ikuti na tayandi kuunka, alimwi uli kkuutilide a simalela wakwe wabazike, mpawo ula tolwa mu i—i—i tempele, elyo ba kabweza kardonkozyo . . . Nywebo mulizi kardonkozyo mbo kabede. Elyo bala yasa kutwi kwakwe, a kudonkola kapulo mu kutwi kwakwe. Elyo ncaando, cakuti ta konzyi kupiluka. Sa mbo mbubo? We elede kubelekela simalela wakwe ciindi coonse. Ta ndikwe makani kuvula kwa ziindi zimbi jubbili mbilila, kufumbwa cicitika. Wa kasambala nguzu zya—zya kuzyalwa kwakwe kumaninina, zya kwaanguluka.

216 Elyo cindi muntu akaka Bwini bwa Makanimabotu, Saatani ula mugwala (aali?) ku kutwi kwakwe. Ula muumuzya kutegwa atakonzyi limbi kumvwa Bwini, nkabela wa nyonyooka. Ula kkala a nkamu ili anguwe, ikuti na taka mvwi Bwini. Peepe.

217 “Muyo ziba Bwini, nkabela Bwini buyo mwaangulula.” Mwabona, Bwini bu laangulula.

218 Leza ula gwala Bakwe cindi basika. Leza ula gwala Bakwe kwiinda kukusimpikizya Ijwi Lyakwe lyaka syomezegwa kwiinda muli mbabo. Mbo mbubo ncobeni, Musalali Johane 14:12. Elyo cintu cimbi, muyanda kulemba, Marko 16. Jesu wakati, “Ezi zitondezyo ziyo batobela abo basyoma.”

219 Lino atu bweze buyo eco, asyoonto. Wakali Kudana na? [Mbunga yaamba, “Peepe.”—Mul.] Sena Ta kapandulula buyo i . . . Sena Ta kapandulula buyo baapostolo, mbuli bamwi mbo banga batwaambila? [“Peepe.”]

220 Amulangilile. Amubale ntalisyo yaco. “Kamuya mu . . .” Kuli? [Mbunga yaamba, “Inyika yoonse.”—Mu.] “Inyika yoonse.” “Amukambauke i . . . aya Makanimabotu ku . . .” Inzi? [“Bantu boonse.”] “Bantu boonse.” Tana ku kkwanya akwalo wani theedi ya nzila pe. “Ezi zitondezyo ziyo tobela mu inyika yoonse, ku bantu boonse, kufumbwa aya Makanimabotu nkwa kambaukwa. Ezi zitondezyo ziyo batobela abo basyoma,” kutali biyo kuli bamwi basyoonto.

221 Mbuli mulombwana ciindi cimwi kandaambila kuti, “Leza wakapa biyo baapostolo bali kkumi ababili zipego zya kuponya. Elyo . . .” Oh! Aboobo, bunji bwa bakwesu bakali kkede okuno cindi na kabuka kwaamba ceeco, mwabona. Walo ujisi kunji kwa ncico, mu maminiti masyoonto.

222 Aboobo lino amubone, “Inyika yoonse, ku bantu boonse, ezi zitondezyo ziyo batobela.”

223 Muta bwezi caando cakutasyoma kwa Saatani. Lino, uyo cibikka ali ndinywe sunumasiku, ikuti na ula konzya kucifita. Uyo kusyonkela ku bwaanda, nkabela uyo enda kuzwa a kwaamba, “Ta ndizi kujatikizya ceeco.”

224 Amwiinke ku muunzi akuyo Ci langalanga, elyo mpawo amu kasinizye, a kupaila. Nkaambo, zintuzyonse zili—zili mu Malembe kabotu loko kuli eli oora ndilyonya, eli oora lisetekene mu ciindi. Ca kacitwa kwa myaka, katondezegwa, boola nkoonya kuli ncico. Eli nde oora. Eci nce ciindi.

225 Elyo lino muta mulekeli kusyonka ceeco mu matwi anu, cando cakwe cakutasyoma. Mwabona? Nkaambo, wa kali sikutasyoma, ku kutalika. Wa ka Li zumbauzya. Yaa. Oh, muta lekeli . . . Muta mulekeli kubweza Lugwalo, a busongo bwakwe, a—a ku Li pindamuna aku Li sandula kubelesya busongo bwakwe, mu nguzu zya kubuzyabuzya. Amulibomye buyo, a kwaamba, “Leza wakaamba boobo, elyo nku koonse kuyooba kuli ncico.” Lino, oh, atu . . .

226 Tuyo muka maningi, aboobo ncibotu twa ima mpoonya awa a—a kutalika.

227 Lino atu unke ku Cinamatizyo Cabili. Cindi Kabelele, waka jaigwa naka jula ceeci, alimwi wabili, Munyama uli mbuli moombe, kati, “Boola, ubone obo maseseke aa Cinamatizyo mbwabede.” Mwabona? Lino twa cijana. I Kabelele, mulayeeya, weedelede kujula Cinamatizyo acimwi. Elyo Munyama wabili . . .

228 Ikuti na mwacibona, mu cilengwa mutwa kazwaa kwiinda, a makkalo aa mbungano, cintu nciconya. I wabili . . . Mutaanzi wakali mulavu; utobela wakali ii—wakali ii . . . wakali mbuli moombe, na musune, na cintucimwi, nywebo mwabona.

229 Elyo oyu Munyama wakati, “Boola, bona,” lino, elyo cindi Kabelele naka jula Cinamatizyo. Elyo, mpawo, kainka kuyo bona. Elyo cindi na kanjila, ncinzi caka citika? Atu bone eco nca kajana lino. “Boola, bona.” Ngaayo maseseke anamatikidwe awa, ayo akaliko kwa myaka ili zyuulu z'yobilo, kutandila. Atu bone mbwabede.

230 Lino tula jana awa kuti wa kabona (nzi?) mbizi iisubila kaiya kunembo. Lino, ku kumvwisya kwangu kwa yeeyi, ku kumvwisya kwangu, eli cceba pati ndya kajisi mu janza lyakwe . . . Lino tu jisi zintu zitandila kuli zyotatwe zya kulanga lino, kutandila maminiti atobela ali kkumi aosanwe, makumi obilo. Atu bale buyo a kubona eco Nca amba awa. “Elyo mpaawo kwakainka . . .” I kampango 4.

. . . mpaawo kwakainka mbizi imbi yakali kusubila, (iimwi ntaanzi ila tuba): elyo nguzu zyaka pegwa kuli nguwe oyo waka kkede ali njiyo kugusya lumuno aa nyika, . . . kuti beelele kujayana umwi aumwi: elyo mpaawo kwa kapegwa kuli nguwe cceba pati.

231 Lino kuli ziiminizyo awa, alimwi tu yanda ku zilanga kabotu loko. Pele, ku kumvwisya kwangu, kuziba kabotu oko Nkwe zyi lino, nywebo mwabona, Jesu wa kaamba cintu nciconya kumbele muli Matayo 24. Mwabona? Wa kati, “Lino muyo mvwa zya lumamba a mavwambukila aa lumamba, alimwi lumamba a mavwambukila buyo aa lumamba, a lumamba. Elyo, pele,” kati, “zyoonse ezi tazina pe. Mwabona, ciindi tacina pe.” Mwabona, ba kabuzya Jesu mibuzyo yotatwe. Mwabona? Elyo Wa kaingula mu mibuzyo yotatwe.

232 Kuli bakwesu banji kapati baka patila, kusola kubikka . . . I bakwesu ba Adventisti, makani abaaba, buzuba bwa ciloba amwi ambi, kaindi okuya, i . . . “Maawe kuli nguwe upa mwana, oyo unyonsya, alimwi milyango iyo jalwa aa buzuba bwa sabata,” a zintu mbuli zeezyo. Ma! Ta cijatikizyi akwalo ku mubuzyo pe, mwabona, nokuceya. Mwabona?

233 Wa kali kuvwiila eco ncoba kabuzya, pele Ta ka—Ta ka—ka cibikka koonse ku mazuba akumamanino. Wa kati, “Muyo mvwa . . .” Lino tu belekela a cintu eci comwe awa. Tuyo sika kuli ncico kunji, mu masiku masyoonto. Amulange. Wa kati, “Muyo mvwa lumamba, a mavwambukila aa lumamba, azimwi

zimbi. Mpawo koonse oku takuli. . . Mwabona, mpawo bayo—bayo jokela alubo, mpawo bayo mwaaba, abumwi bumbi mbuli boobu. Elyo zyoonse, zyoonse tazinaba kabotu pe.”

²³⁴ Pele cindi Na kasika ku cindi Na kali kuyo zikanana kujatikizya eco ncobaka Mu buzya kujatikizya, “mamanino aa inyika.”

²³⁵ “Ndelili zintu ezi ni ziyooaba, ndelili nokutakabi bbwe lyomwe atala? Ino ciyooba citondezyo nzi? Elyo ndelili nikuyooba boola, mamanino aa inyika?” Mwabona, baka Mu buzya zintu zgotatwe.

Mpawo cindi Na kaseluka ku, “I mamanino aa inyika?”

²³⁶ Wa kati, “Cindi mwa kubona musamu wa bukuyu kauzwa delema, lino nywebo mulizi kuti cindi cila mulyango. Elyo ncobeni Nda mwaambila, kuti, eyi nzyalani tai kamani kusikila zyoonse zika zulizigwe.” Obo muhedeni, uutakwe bupanduluzi, mbwa yandisya kuyaamina ali ceeco! Mwabona? Wa kati, “Eyi nzyalani,” kutali nzyalani Nja kali kwaambaula, “nzyalani iyo bona musamu wa bukuyu kauzwa delema lyawo.”

²³⁷ Lino Ndi yanda buyo kumubuzya cintucimwi. Amulange buyo—buyo ku cintucimwi mpoonya awa ku meso. Israyeli lino, kwa ciindi citaanzi ku myaka ili myaanda yobilo ayosanwe, ncisi. I ndembela yakaindi maningi mu inyika ilapepela atala lya Jerusalemu sunumasiku. Israyeli ili mu nyika yayo yacizyalilo.

²³⁸ Kwakali mukwesu okuno ciindi cimwi wakali kuyanda kuba misionari, wakalimvwa kuunka kutola makani alusyomo kuli bama Juda. Nda kati, “Inga wajana umwi ciindi a ciindi.” Oh, bantu balayeeya, cisi coonse! Peepe, munene.

²³⁹ Israyeli ila sanduka mbuli cisi, kutali mbuli muntu omwe. “Ti cisi ciyo zyalwa mu buzuba bomwe.” Eyo ngu Israyeli. “Yoonse Israyeli iyo futulwa.” Amu ciyeeye buyo eco. Paulo wa kaamba boobo, “Yoonse Israyeli iyo futulwa.” Lino amubone, “Yoonse Israyeli.” Obo mbombubo ncobeni.

²⁴⁰ Lino amubone eci. “Pele,” Wa kati, “cindi mwa kubona musamu wa bukuyu, a masamu oonse ambi, kusuuka madelema awo.” Lino amulangilile. Ta kunaba ciindi, kwa myaka ili myaanda ya makumi obilo ayosanwe, cakuti Israyeli yakasola kusika ku nyika yayo yacizyalilo. Tuli jisi cipekupeku ciniini, ca *Maminiti Otatwe Kusika Aakatikamasiku*, nywebo mulizi. Nceeco mbo cibede, cisi, nyenyeezi ya ziimbi zili cisambomwe iya Davida, kayuuluka, a zyoonse zintu ezi.

²⁴¹ Sa kwakasola kuba ciindi cakuti tubungwe twa kali a lubukulusyomo mbuli mbo twa kajisi myaka misyoonto yainda? Lino amu cilangelenge buyo. Tuli ku muunzi.

²⁴² Ndelili tubungwe nitwa kasola kusonsa kungsi lya mulimo wa muntu umwi, mbuli mbo kacita ika Billy Graham; Methodisti, Baptisti, atumwi tumbi? Ndelili nikwa kasola kuba muntu,

amulingule makani anu akaindi, oyo wakasola kuyutuka ku mbungano iyandisi, kwiinda ku zina limana a h-a-m, kale? Kumu buzya buyo. A-b-e. . .

²⁴³ A-b-r-a-h-a-m. Lino amulange, zina lya Abraham lijisi tubala tuli ciloba, A-b-r-a-h-a-m.

²⁴⁴ Pele Mukwesu wesu Billy Graham, ujisi G-r-a-h-a-m, cisambomwe, kutali ciloba. I inyika, oko nkwa kutaukila, mbungano yakunyama.

²⁴⁵ Mbungano yakunyama, wakali Lota, mu Sodoma. Elyo cindi mulombwana oyu nakaunka kumusanza okuya a kukambauka, a kubofwaazya kwiinda ku Makanimabotu.

²⁴⁶ Pele kwakali Omwe Oyo waka kkala a Abrahamu, alimwi Abrahamu waka Mwiita kuti, “Elohimu, Mwami.” Lino cindi Abrahamu nakabona botatwe kabasika, wa kati, “Mwami wangu.”

²⁴⁷ Cindi Lota nakabona bobilo kabasika, wa kati, “Bami bangu.” Ndoolo lwaandaano lwanu. Mwabona mulimo wanu wa trinitaria? Mwabona?

²⁴⁸ Jesu wakati, “Mbuli mbo kwakabede ku mazuba aa Lota.” Nywebo mwabona eco? Amubone. Amu cibale.

²⁴⁹ Lino, kwakali Omwe wakasika ku Mbungano yakumuuya, Nabwiinga, Abrahamu, oyo waatali mu—mu Sodoma, ku kutalika. Elyo amulangilile eco Nca kacita. Ta kakambauka mbuli mbo bakacita. Wa kaba yiisya, pele mpawo baka cita citondezyo kumbele lyabo. Wa kacita citondezyo ca Mesiya. Wa kapede sule Lyakwe ku tente, nkabela Wa kati, “Abraham.” Lino amuyeeye, zina lyakwe lini, mazuba masyoonto kakutanaba ceeco, wakali Abram. Pele Wa kati, “Abrahamu, uli kuli mukaintu wako, S-a-r-r-a-h?” Mazuba masyoonto kakutanaba ceeco, lya kali kutegwa S-a-r-r-a.

Abrahamu wakati, “Uli mu tente, kunze Lyako.”

²⁵⁰ Elyo Wa kati, “Abrahamu, Ndiyo. . .” Ndeelyo bbala lyaamba mugame. “Ndiyo muswaya kweendelana ku cisyomezyo nce Nda kamu bambila.” Nywebo mwabona mbo cakabede. Mwabona? Ii Muntu, a suko aa zisani Zyakwe, kalya nyama ya moombe, a kunywa mukupa uuzwa ku ng’ombe, a kulya cinkwa camapopwe. Iiyi, munene. Leza, Elohimu, wakayubululwa mu mubili!

²⁵¹ Kasyomezya, ku mazuba akumamanino, kuliyubulula Mwini mu mubili alubo! Amubone.

“Abraham, ulikuli mukaintu wako, Sarah?”

“Uli mu tente, kunze Lyako.”

Kati, “Ndiyo muswaya.”

²⁵² Elyo mulindu, mubwini, mukuba a myaka ili mwaanda yakukomena, wa kabanga wali sekela mu moyo; kusule mu

tente lino, kunze lya zisitilizyo mu tente. Waa kati, “Mebo, nde mucembele.” Ee, Kwakali manide a mbabo, mbuli mulumi a mukaintu, kwa myaka, nywebo mulizi, nkaambo wa kali myaka ili mwaanda yakukomena, alimwi—alimwi—alimwi walo waa kali makumi ali fuka. Kati, “Eco tacika citiki.”

²⁵³ Elyo Wa kati, “Nkaambonzi waa seka?” Fyuu! A sule Lyakwe kali futete ku tente, “Nkaambonzi waa seka, kwaamba, ‘Mbobuti zintu ezi mbo zikonzya kuba?’” Mwabona, Wa kamu tondezya citondezyo.

²⁵⁴ Lino Ula syomezya kuti eci ciyo loolola ku ciindi cakumamanino, alubo.

²⁵⁵ Elyo baalumi bobilo bakaselemukila okuya a kuyo kambauka Ijwi, a kubaambila kuzwa okuya; busena bwa kali kuyo umpwa, azimwi zimbi. Elyo bwakacita. Elyo Lota wakazungaana kubusena; mbungano yakunyama, kunselelo mu cibi, alimwi kusakana mu ntimba, pele nekubaboobo kupengaana antomwe mu mabambe aakabunga. Pele Nabwiinga...

²⁵⁶ Oyo Muntu omwe ta kainka kuli mbabo. Wa kainka biyo a kwiita musyobo wa Nabwiinga. Lino tuli mu mazuba akumamanino. Mwabona? Lino amubone.

“Wa amba okuya kuti, ‘Leza, wakayubululwa mu mubili?’”

²⁵⁷ Jesu wakaamba, Mwini, “Mbobuti mbo mu Ndipa mulandu?” Kati, “Sa taku lembedwe mu Bbaibbele lyanu, milao yanu, kuti balo, basinsimi, abo Ijwi lya Leza nkoli sikila. . .” Jesu wakati, “I Ijwi lisikila ku basinsimi,” nkaambo Wa kali Simaleembe mu zintu zyoonse. Wa kati, “Lino, Ijwi lya Leza lyaamba, kuti, ‘I Ijwi lisikila ku basinsimi.’ Elyo mwaka baita kuti ‘tuleza,’ nkambo Ijwi lya Leza lyaka basikila.” Kati, “Mpawo mbobuti mbo muyo Ndipa mulandu cindi Nda amba kuti Ndili Mwana wa Leza?” A mulao wabo beni, Wa kaba lulamika. Mpaawo we. Mwabona?

²⁵⁸ Lino mpaali mpo tubede? Tuli ku ciindi camamanino. Lino amuswiilile kabotu loko lino.

²⁵⁹ Lino tu jana kuti kuyooba lumamba a mavwambukila aa lumamba. Elyo lino tula bona kuti musamu wa bukuyu wa sonsa delema lyawo. Alimwi masamu ambi asonsa madelema awo. Methodisti, Baptisti, Presbyteria, a boonse, basonsa madelema abo, lubukulusyo lupati kaluyabuya.

²⁶⁰ Lino Ndi syoma kuti Leza ubunganya Nabwiinga ku oora eli lyamamanino, Basale. Oh, ma! Lino amuzibe.

²⁶¹ Atu langanye eco Johane nca kabona, mpawo, ca zintu ezi nzya kabona. “Ii mbizi iisubila; alimwi sikutanta wayo uleenda, nguzu zyaka pegwa kuli nguwe kujaya kubelesya cceba pati.” Lino nceeci ciyubunuzyo cangu ca ncico. Oyu ngu Saatani, alimwi. Ngu dyabulosi, alimwi, mu ciimo cimbi. Lino,

tu lizi kuti—kuti Zinamatizyo zyaka jatikizya . . . mbuli Mbwe kaamba masiku ainda. Elyo myeembo ijatikizya ku—ku—ku lumamba lwa muli cabo, nywebo mwabona, akati ka bantu, akati ka masi. Pele mu jana kuti, awa, kuti oyu muntu ujisi cceba, aboobo uzulilwa ku mbungano, lumamba lwa tunzenyu. Lino inga tii mwayeeya ceeco, pele amucilangilile buyo aniini, maminiti buyo masyoonto.

²⁶² Amubone kucinca kwa mubala wa mbizi ezi. Sikutanta nguonya; kucinca kwa mubala wa mbizi. Elyo mbizi munyama. Alimwi munyama, mu Bbaibbele, kungsi lya ciiminizyo, wiiminina nguzu. I ciyanza nciconya kacitanta nguzu zya mubala umbi, kuzwa ku kutuba kutakwe kampenda ku ku subila kwa malowa manji. Mwabona? Amu mulangilile lino, nzila mbwa boola.

²⁶³ Cindi na katalika, wa kali luleme, ee, wa kali njiisyo buyo niini mukati—mukati, akati, iitegwa Bunanikolayi. Mubwini, tee bwaka jaya cintu cili coonse. Eco Nciyubunuzyo 2:6, ikuti na muyanda ku cilemba. Ta kajaya cintu cili coonse. Ni njiisyo buyo, muuya buyo akati ka bantu. Lino, na taka jaya cintu cili coonse. Oh, wa kanyina kampenda maningi, katantide a mbizi eyi iituba. “Ee, nywebo mulizi, tula konzya kuba a mbungano mpati ya inyika yoonse. Inga twa iita kuti mbunga ya boonse munyika.” Ba cicita. Yaa. Mwabona? Lino, “Inga twa ba . . .” Oh, tacikwe kampenda kumaninina. Elyo, oh, tacikwe kampenda maningi. “Ni nkamu buyo ya bantu. Tu yooba antoomwe toonse ku luswaanano.” Mwabona, tacikwe kampenda maningi; ila tuba, mbizi yakali kutuba. Mwabona?

²⁶⁴ Lino, balemekwa kapati, a basamide kabotu, a bayiide, nywebo mulizi, musyobo mbuli bayumi ba mapepe akozyenye, nywebo mulizi, “Tuyo—tuyo baanga twabikka zintu antoomwe. Alimwi eco cikama ca bacete, baa, ikuti na bayanda kuli gunkula mukweenda, ee, ncibotu, pele swebo—swebo—swebo tuyo jana musela mubotu uboola ku mbungano yesu. Ikuti na twa konzya buyo kuli somona tobeni awa, tuyo—tuyo ooba ii—tuyo oba cikama ca Bagwasanyanya cakaziye, na bamwi bambi, nywebo mulizi. Tuyo—tuyo bamba zintu, na, Balombwana Bagambya,” mbuli mbo babede. Elyo aboobo mpawo . . . Kutali Cisangabalilo ca Balombwana Bagambya lino, pele mulizi Nce wamba. Aboobo, cila gambya ku musyomi wini. Lino, pele, bumbi, mu majwi amwi, “Tu yanda nkamu niini, kakamu kaniini kalugwasyo nke tu konzya kuliita tobeni.” Ni njiisyo buyo, iitakwe kampenda maningi. “Bakwesu, baa, ta tujisi cintu caku lwana ndinywe nobantu, peepe nconzyo. Muli kabotu, pele, nywebo mulizi, tu limvwa kuti—kuti tu jisi mulimo a zyoonse . . . Swebo, inga cabota twazwa ikuti na twa libunga buyo antoomwe.” Mwabona? Kumalekelo yaka selemuka ncobeni kusikila cakacitika, iiyi, munene, kuba antoomwe.

265 Pele cindi oyu muuya, mubi walweeno (oh, muntu!) alifungula, mu muuya wakulingula; oyu muuya wa njiisyo wa kalifungula, ku kubweza busena bwa Kristo, mu muntu. Weelede kukombwa, mpawo, kusandulwa kukombwa mbuli Kristo. Mu majwi amwi, kutala okuya ku Vatican. . . Nda kali nkoonya okuya. Kuli lembedwe, “VICARIVS FILII DEI,” alimwi kuli lembedwe mu nombolo zya Ciroma. Lino, amweenge buyo mweengo kungsi lya nombolo ezyo zya Ciroma. Elyo caamba kuti, “Mu busena bwa Mwana wa Leza.” Walo, mu majwi amwi, ngu sikwiiminina. Nywebo mulizi eco sikwiiminina nco caamba; kubweza buyo busena bwa cintucimwi. Walo ngu sikwiiminina, “Mu busena bwa Mwana wa Leza.”

266 Elyo Bbaibbele lya kati, “Amulekele oyo ujisi cipego ca busongo abale myeelwe ya munyama, nkambo mweelwe wa muntu. Elyo mweelwe wakwe ngu myaanda ili cisambomwe a makumi aali cisambomwe acisambomwe.” Lino, amubweze VICARIVS FILII DEI, akweenga mweengo, ku myweelwe ya Ciroma; i “V” ngu tosanwe, alimwi “I” ngu komwe. . . Elyo amu cisanganye, a ubona ikutti na tamu jisi myaanda ili cisambomwe a makumi ali cisambomwe acisambomwe.

267 I Bbaibbele lyakati, “Uno kkala mu tempele lya Leza, akukombwa mbuli Leza.” Cindi njiisyo eyo niini ya kulifungula, iba sikwiiminina, “Mu busena bwa Mwana wa Leza.” Mwabona? Oh, ma! Oyo muuya, mubi walweeno! Ikuti na muyanda kucibala eco, amubale mu Batesalonika Babili 2:3, nkabela mula konzya kubona mpo cibede.

268 Elyo, mubwini, muyo yeeya kuti Saatani ngo mutwe wa nguzu zyoonse zyatunzenyu, twa cisi acimwi. Mbangaye bazi obo? [Mbunga yaamba, “Ameni.”—Mul.] Mu yanda ku cilemba na? Matayo 4:8, “Saatani waka sumpula Jesu atala lya mulundu, elyo wa ka Mu tondezya mami oonse aa inyika, oyo wakaliko lyonse na uyooba lyonse, mu mbali ya ciindi.” Amwaambaule zya muntu! Wa kati, “Njo apa kuli nduwe, ikuti na ula ndikomba.” Elyo Jesu wakalizi kuti Uyo akona.

269 Nce ncico ncobati, “Baa, nywebo no cikama ca babumbulusi basalala bacete!”

270 Baa, tula jana inyika! “I babombe bayo kona nyika.” Nce ncico Jesu nca kaamba. Mwabona? Mwabona?

271 Amubone, Jesu wakalizi kuti Uyo akona, aboobo Wa kati, “Kozwa awa, Saatani. Kuli lembedwe,” kujokela nkoonya ku Lugwalo alubo, nywebo mwabona, “Ko komba Mwami, alimwi Nguwe alikke.” Mwabona?

272 Lino—lino cindi—cindi walo, mbuli mbwali daimona lyeendelezya, lyaka lifungula muli sibupampu oyu, uugambya mukombi, mbuli Bbaibbele mbo lya kaamba kuyooba, mpawo ula kamantanya mbungano yakwe a cisi. Inguzu zyakwe zini zyobilo zya kamantana antoomwe. Mwabona?

273 Cindi muuya wa sikulwanakristo niwa keenda, wakali muuya. Mpawo wakaba nzi? Wa kaba mpawo...Lino amulangilile eci Cinamatizyo. Cindi muuya niwa keenda, wakali sikulwanakristo, kalwana lwiiyo lwa Kristo. Yaa. I cintu citobela ncaka cita...Cintu Kristo nca kabambila Mbungano Yakwe kucita, Ca kali kulwana cibi. "Oh, Ta cambi boobo. Ta cici cambi. Eco cakali ca muntuumwi umbi. Eco, eco ncakaindi mu myaka ili myaanda yakainda, kaindi eelyo. Eco, eco tacili cesu." Mwabona? Eco, mwabona, *kulwisya*, "kulwana." Mpawo ciba...

274 Lino, sikutanta wa keenda, ta—ta kajisi musyini, pele wa kapegwa omwe. Eyo mbizi iituba; wa kajisi buta, kutakwe myuumba. Mwabona? Aboobo mpawo cindi na keenda...

275 Mpawo, nikwakainda kaindi, wa kapegwa musyini, nkaambo tokonzyi kusamika musyini aa mutwe wakumuuya. Pele, cindi, oyu muuya walifungula mu mulimo wabili wa bubanze bwakwe—bwakwe bwa busise bwabukombi bwakwe, mulimo wabili, wa samikwa musyini, musinsimi mubeji, kukubeleka kwa muuya wa sikulwanakristo. Lino, tula mubona okuya, lino. Lino uba ceeco, cindi abweza eeco. Mpawo, walo uli, kale, Saatani keendelezya inguzu zyatunzenyu twa inyika.

276 Lino unjila mu busena kusikila aka bapange nguzu zya mbungano zya nyika yoonse, kubweza nguzu zyangukombi. Elyo sa tamu mvwisiyi, bakwesu bangu, kuti mu...Cindi, eci cisi cila libonya mu cipati 13 ya Ciyubunuzyo, eci cinyama ciniini caka buka mbuli kabelele. Elyo cijisi meja obilo, nguzu zya baleya a bukombi, pele wa kacita cintu nciconya munyama nca kacita kaindi.

277 Calo nceenzu, America ngu namba theetini, a mwanakazi. Calo nceenzu, cila libonya akwalo mu cipati 13 ca Ciyubunuzyo. Twa katalisya a myeengo ili theetini mu ndembela, nyenyeezi zili theetini. Zintuzyonse ngu "theetini, theetini, theetini, theetini," lweendo lonse kuselemuka. Zintuzyonse "mwanakazi, mwanakazi, mwanakazi," lweendo lonse kuselemuka.

278 Elyo kumalekelo ciyo maninina, (Nda camba kuyooba), mwanakazi uyo ceendelezya. Amuyeeye, kuti eyo yakali myaka ili makumi otatwe yainda, Nda ka caamba. Elyo—elyo i—i zintu zili ciloba ezyo Nze kaamba kuyooba, zyananwe zyzayo zyaka citika kale. Elyo bajisi muntu nkoonya okuya lino waku munjizya. Elyo muyo civootela kuba, kwiinda ku tunzenyu twanu okuya. Inzya. Huh! Ncibotu.

279 Kunji kapati kwa kwaamba, to konzyi buya kusika nkoyanda kusika. Amubone lino. Nda mujata aniini ambi, ikuti na Nde elela kuzwidilizya juunza masiku.

280 Amulange. Amubone. Cindi Saatani...Lino, oonse, oyo, ula mvwisiya kuti Saatani ulendelezya inguzu zyoonse zyatunzenyu twa inyika. [Mbunga yaamba, "Ameni."—Mul.] Wa kaamba

boobo. Matayo cipati 4, mula cijana, alimwi kampango ka 8. Oonse mami azulilwa kuli nguwe. Ako nkekaambo ncoba lwana, lumamba, kujaya. Lino amuyeeeye.

²⁸¹ Sena eco tacili ceenzu? Ba kapegwa cceba eli, lya kujayana umwi aumwi. Oh, oh, oh, ma! Amubone lino.

²⁸² Lino, cindi na kacita ceeco, ta kalinaba a nguzu zya zyangupaizi. Pele wa katalikila a daimona lya lwiyo lwabubeji. Alimwi olo lwiyo lwakaba njiisyo. Eyo njiisyo yaalifungula kuba musinsimi mubeji.

²⁸³ Elyo mpawo wa wakaunka buyo ku busena bweelede. Ta kaunka ku Israyeli, lino. Wa kaunka ku Rome; Nicaea, Rome.

²⁸⁴ I kkanso yaka pangwa, nkabela bakasala bishopo weendelezya. Elyo mpawo, ku kucita ceeci, baka kamantanya antoomwe mbungano a cisi. Mpawo, wa kalosya buta bwakwe. Wa kaseluka aa mbizi yakwe ituba. Wa katanta mbizi yakwe iisubila, nkambo ula konzya kujaya uli oonse uta zuminani a nguwe. Nceeco Cinamatizyo canu. Mulombwana nguwenya! Amu mulange kaya butanta kunjila Butamani oko, a mbubo, mwabona, wakamantanya inguzu zyakwe zuyobilo antoomwe.

²⁸⁵ I cintu nciconya ncobali mukusola kucita ndyoonya lino, cintu nciconya, sunu. Elyo cintu ceenzu, ndiza tamu cimvvisyi. Pele, sunu, kuzwa ku nkamu ya Baptisti mu Louisville... Mwa kacimvwa aa redio. Sikubandika wakabuka alimwi... Mbangaye baka cimvwa? Mbubo. Mwabona? Ncibotu, nceeco we. Ba yanda, a kubuzya mu mbungano lino, kuteeti, "Ta tweelede kuba ceeco ncobeni, oh, kubaanga nkusangana mbungano ya Katolika, pele tweelede kubaanga kuba a luswaanano a mbabo." Mujane... Elyo, cintu nciconya eco cicitika mu Louisville, okuno Leza uvungulula Zinamatizyo ku bantu Bakwe, uku citondezya, "Uta cicitii!" Mwabona bobilo kaba beleka antoomwe na? Amuyeeeye, cikwaangala a nziba zyaka kkala mu ciyusilo comwe, mu bwaato. Masimpe. Amuyeeeye buyo.

²⁸⁶ Lino tu jana kuti, ula kamantanya nguzu zyakwe, mpawo, cindi aba cisi a mbungano, bupaizi. Mpawo ncenzi ncoyo cita? Ula panga bukombi bwakwe mwini. Elyo lino ula konzya kucita kufumbwa cintu nca yanda. Mpawo, uli jisi nguzu zya kujaya kufumbwa muntu uta zuminani a nguwe. Nce ncico ncobeni nca kacita, awalo. Elyo wa kacita eco mbubonya buyo. Alimwi eco nca—nca... Wa kacita ku basalali beni ba Leza muumi, abo baka bamba Ijwi alimwi bataka zuminana anguwe aa tuyanza twakwe twabuzumini. Wa kaba jaya.

²⁸⁷ Lino, Mukwesu Lee Vayle, a nywebo nobamaiyi okuno ba bukkalo bwa Nicaea a mbungano ntaanzi, Ta ndizi naa mwaka cibala eci na pe. Ikuti na muyanda ku cibala, amu kanjile mu *Lubambululo Lwabulemu* lwa Schmucker.

²⁸⁸ Elyo mula cijana, kuteeti, cindi Musalali Augustine waku Hippo nakaba mupaizi kuni lya mbungano yaba Roma, kajisi

coolwe, kusikila ciindi cimwi Muuya Uusalala wakasoleka kuboola ali nguwe, nkabela wa Ka ukaka. Mbangaye bazi boobo, mbuli mwiiyi? Aboobo, wa akaka Muuya Uusalala. Nce ncico ncobeni, cimvule ca mbungano ya Protestanti sunu, eyo yaakaka Muuya Uusalala. Wa kabweeda kumusanza kuli Hippo, alimwi wa kali nguwenya oyo wakasaina ceeco, elyo pepa ndya kajisi, “I ciyubunuzyo cizwa kwa Leza, eco cakali kabotu a kubotezya Leza, a kujaya muntu oonse wata kasyoma antoomwe a mbungano ya Katolika yaba Roma.”

²⁸⁹ Lino amuswiilile. Ndi balulula kuzwa kumakani abakajailwa buzumini bwabo, “Kuzwa ku ciindi ca—ca Musalali Augustine waku Hippo, kusikila 1586,” aamakani aba Roma aajatikizya bakajailwa buzumini bwabo, “mbungano ya Katolika yaba Roma yaka jaya ba Protestanti bali mamilioni ali makumi ali cisambomwe alusele.” Sa lyakali cceba lyakwe lisubila? Sa wa katantide mbizi iisubila? Ino cakali cinzi? I nguzu nzyoonya; sikutanta nguonya. Nceeco Cinamatizyo. Bala zumina, “mamilioni ali makumi ali cisambomwe alusele,” aamakani abakajailwa buzumini bwabo, kunze lya boonse abo baka jaigwa kuzwa kuli baabo. Oh, luse! Kuciindi ca makkalo aa musinze, bakali mamilioni baka saninwa ku balavu, a kujajigwa munzila yoonse, nkaambo teeba kakotamina kayanza ako kabukombi ikaba Katolika. Nywebo mulizi obo.

²⁹⁰ Nciindi cinji buti ncomu jisi? [Mbunga yaamba, “Ciindi cinji. Busiku boonse.”—Mul.] Ncibotu. Andi bale cintucimwi. Amuvunune a ndime lino, andi mutondezye cintucimwi. Atu—atu kozyanisye cintu eci, aniini buyo. Cazwaa kuboola mu mizeezo yangu, nkabela tula cibala. Atu vunune mu Ciyubunuzyo, kusika ku cipati 17 ca Ciyubunuzyo. Tu cijisi maminiti asyeede ali kkumi aosanwe. Ncibotu. Lino amuswilile kabotu, kabotu loko lino, mbuli mbo tubala. Nywebo nomu jisi Mabbabbele anu a kuvununa, Nda mupa biyo ciindi cisyoono, kutegwa mu cijane.

²⁹¹ Sena wacimvwa eco, Lee? Muli lya Schmucker Nkwe ka cijana, wabona, *Kwabambulula Kwabulemu*, kacigusya kugama ku makani abakajailwa buzumini bwabo baku Rome, ku Vatican.

²⁹² Lino, eco cakali muciiindi ca kupenzegwa kwa bantu ba Musalali Patrick. Elyo mpawo bakaita Musalali Patrick kuba musalali wabo—wabo. Huh! Musalali Patrick wakali buyo mbuli muna Katolika mbuli Mbwe bede; alimwi mulizi kunji obo Mbwe bede. Mwabona? Wa—wa kasulaika njiisyo ya mbungano. Wa akaka kwiinka kuli poopu. Iiyi, munene. Musalali Patrick akwalo... Nkaambonzi, nywebo, sa mwakasola kuunka ku Northern Ireland, oko nkwa kajisi zikolo zyakwe? Nywebo mulizi, zina lyakwe tee lyakali Patrick. Mbangaye bazi boobo? Zina lyakwe lyakali Sucat. Mbo mbubo. Wakasweekelwa mucizi

wakwe muniini. Nywebo mulayeeya cindi niba... Mwabona? Ncibotu.

²⁹³ Lino amubone, cipati 17 ca Ciyubunuzyo. Lino nyoonse amusole buyo kujula moyo wanu. Amulekele Muuya Uusalala umu yiisye lino.

*... mpaawo kwakasika kuli ndime umwi wa baangelo
abo baka jisi i—jisi mitiba ili ciloba, . . .*

²⁹⁴ Lino, nywebo mwabona, njeeyo Mitiba ili Ciloba. Nywebo mulizi, eezyo ziloba, mbuli mbo twiia, zyoonse zya citikila a ciindi comwe eni; kutobela Zipenzyo, kutobela makkalo aa mbungano, mbubonya buyo, nkaambo coonse cili namatikidwe muli elyo Bbuku lyomwe, zintuzyonse. Elyo zintuzyonse zicitika buyo mu kuzunguluka; cimwi ciinka moonya muli cimbi, a cimbi, a cimbi. Njeeyo myuuya yobilo kiibelega; Leza, a dyabulosi. Mwabona?

*... abo baka jisi mitiba yamamanino ili ciloba,
nkabela wa kaambaula kuli ndime, kati... Boola
okuno; elyo Njo kutondezya... kuli nduwe lubeta lwa
sikuvuula mupati oyo uukkala atala a maanzi manji:*

²⁹⁵ Lino amulange awa, kutala okuno, kuti, “maanzi.”

²⁹⁶ “Sikuvuula,” ncinzi eco? Oyo mwanakazi. Takonzyi kuba mwaalumi. Elyo ino mwanakazi wiimininwa anzi mu mbungano, mu Bbaibbele? Mbungano. Nkaambonzi? Nabwiinga wa Kristo, abamwi bambi; nywebo mwabona, walo mwanakazi, mbungano.

²⁹⁷ Lino, “maanzi,” ino ayo aiminina nzi? Amulangilile awa. Amubale kampango ka 15 ka njiyo awo.

*Elyo wa kati kuli ndime, I maanzi ayo ngu wabona,
awo sikuvuula mpakkede, balo mbantu, . . . makamu
manji, . . . masi, a myaambo.*

²⁹⁸ Eyi mbungano yakali kulela inyika yoonse, mwabona, “Wakakkede atala aa maanzi manji.”

*A nguwe bami ba nyika bacita bwaamu, bwaamu
bwakumuuya (kutambula njiisyo yakwe, njiisyo ya
Nikolayi), nkabela bakkala aa nyika bakolwa a waini
wakwe wa bwaamu.*

²⁹⁹ Musankwa, koambaula makani a nkamu ikoledwe, ali njiyo! Yebo. . .

*Aboobo wa kandi tola mu muuya mu nkanda: nkabela
Nda kabona mwanakazi. . .*

³⁰⁰ Elyo sena mwakalizi cintu? I malembo eni a Katolika ala zumina kuti eyi ni mbungano yabo. Mbangaye bazi obo? Moonya mu malembo abo eni. Ndi jisi *Tusimpe Twa Lusyomo Lwesu*, mbo liitwa, lino, mwabona; lizulilwa ku mupaizi. Yaa. Yaa.

*Elyo aboobo wa kandi tola mu muuya mu nkanda:
nkabela Nda kabona mwanakazi uukkede atala lya*

munyama usamide cisalalapyu, kazwide mazina a kusanka, ka jisi mitwe ili ciloba a meja ali kkumi.

301 Lino cilangilile buyo eco, eco ciiminizyo, eyo “mitwe ili ciloba.” Lino mulabona awa mpo Ca amba, “Elyo i—elyo i—elyo i. . . I mitwe njo kabona zyakali zilundu zili ciloba awo mwanakazi mpa kkede.” Rome ikkede aa zilundi zili ciloba. Mwabona? Lino kwiina kulubizya kujatikizya njiyo, mwabona, “Mitwe ili ciloba.” “Elyo meja ali kkumi,” nywebo mulizi, alo mami ali kkumi, amwi ambi.

Elyo mwanakazi wakasamide zya pepo. . . mubala uusalalapyu, . . . kasakatide mu ngolide a mabwe mayandisi. . . ngale, kajisi nkomeki yangolide mu janza lyakwe mwakazwide cisesemyo—cisesemyo ca busofwi bwa bwaamu bwakwe:

302 Oyo muuya wa sikulwanakristo, “bwamu,” mwabona, “Iwiyo,” oyo ucita mamambi a Leza. Mwabona? Lino, we elede kuba Nabwiinga, mwabona; nkabela ucita mamambi. Mwabona? Mbubonya mbuli Eva mbwa kacita, mbubonya mbuli mbungano mboi cita okuya. Mwabona?

Elyo atala a mutwe wakwe kwakali lembedwe, zina lilembedwe, MASESEKE, BABULONI I MUPATI, . . .

303 Elyo uli oonse ulizi, “BABULONI” ngu Rome.

. . . I BANYINA WA BASIBWAAMU A ZISESEMYO ZYA NYIKA.

304 Alimwi amuswiilile ku kampango 6.

Elyo Nda kabona mwanakazi kakoledwe a bulowa bwa basalali, a bulowa bwa bakajailwa buzumini bwa Jesu: alimwi cindi Ne kamubona, Nda kagambwa a lugambo lupati.

305 Waa kali cintu ceebeka, a zipingano a zintuzyonse ali nguwe! “Mbobuti mu inyika mbwa kakonzya kuba a mulandu wa kunywa bulowa bwa basalali?” Ca kamu nyonganya. Lino Uyo mwaambila.

Elyo angelo waka ndaambila, Nkambo ka ceeco wagamba? Njo kwaambila maseseke aa mwanakazi, alimwi. . . munyama oyo waka mutola, . . .

306 Lino, eci tacili kungsi lya cimwi ca Zinamatizyo. Eci ncintucimwi cimbi, mwabona.

Elyo wa kati. . . i mitwe ili ciloba alimwi i meja ali kkumi.

I munyama. . . oyo ngo kabona wakaliko, alimwi tako; alimwi uyo tanta kuzwa mu mulindi uutagoli (tajisi ntalisyo, poopu), elyo uyo inka mu lunyonyoko: elyo abo bakkala aa nyika bayo gamba, abo bala mazina ata lembedwe mu bbuku lya buumi lya Kabelele, (mbaabo

Basale, mwabona), *buumi kuzwa ku malengelo aa inyika, . . .*

307 Buti, sena zina lyako lyaka bikkwa mu Bbuku lya Buumi? Ku lubukulusyo ndoka janika? Peepe, munene. “Kuzwa ku malengelo aa inyika.”

. . . cindi niba kabona munyama oyo wakaliko, . . . alimwi tako, nekubaboobo nkwali.

308 Mwabona, “munyama,” umwi uyo fwa, umbi uyo tola busena bwakwe. “Wa kaliko; ta kaliko. Wa kaliko; ta kaliko. Waliwo; ta kaliko.” Elyo uyo sakana mu lunyonyooko, nzila eyo. Mwabona? Yaa.

Elyo ngaaya—ngaaya maanu ayo ajisi busongo.

309 Mbangaye bazi kuti kuli zipego zili fuka zyakumuuya, elyo comwe cazyo mbusongo? [Mbunga yaamba, “Ameni.”—Mul.] Ncibotu.

I mitwe ili musanu aibili nge malundu ali ciloba, awo atala mwanakazi mpa kkedede.

310 Oh, inga wayandika kuba moofu, musinkematwi a syataambi cakumaninina, kuta mvwisya ceeco. Mwabona? Ncibotu.

. . . balo mbami bali ciloba: bosanwe bakawa, alimwi umwi nkwali (Nero), alimwi . . . umwi walo uci boola; alimwi cindi aboola, we elede kuyo zumanana buyo kaindi kaniini.

311 Mula yeeya cintu nca kacita. Wakaumpa dolopo, a kutamikizya Banakristo. Alimwi wa kabikka banyina a cisamu comwe ca mbizi a kubazuzya mu tugwagwa. Elyo wakaubausya, kuciindi Rome niyakali kupya. Yaa.

Elyo munyama oyo wakaliko, alimwi tako, awalo wa lusele, . . .

312 Rome yabuhedeni, yaka njizya Rome ya bupoopu. Cindi muuya wa sikulwanakristo niwa kalifungula kuba mubili, nkabela waka samikwa musyini, wa kabambwa kuba mwaami wa Rome, mu cisi a mbungano, antoomwe. Oh, mukwesu! Wabona, ci zwide ncico. Wabona?

. . . liko . . . i waciloba, alimwi ula enda . . . (Utola ciindi cilamfu buti? Taba cinci cianza.) . . . ku lunyonyooko.

. . . meja ali kkumi ayo ngo bona balo mbami, abo batana kutambula mami aa bami; pele balatambula nguzu mbuli bami oora lyomwe a munyama.

312 Abo mbeendelezi banguzu zimaninide, nywebo mwabona, mubwini. “Aba bajisi muzeezo omwe.” Lino, amulange awa. Elyo baambaula zya kkomunizimu. Mwabona?

Aba bali jisi muzeezo omwe, elyo bayoopa nguzu abwendelezi bwabo ku munyama.

Aba bayo lwana a Kabelele, nkabela Kabelele uyo bazunda: nkambo walo Mwami wa mwami, a Mwaami wa bami: alimwi mbe mbabo bali anguwe bategwa, . . . basalidwe, a basyomeka.

Elyo wa kati kuli ndime, I maanzi ngo bona, awo sikuvuula mpa kkedede, balo mbantu, . . . makamu manji, . . . masi, a myaambo.

. . . meja aali kkumi ayo ngo bona aa munyama, aba bayo sulaiika sikuvuula, nkabela eco cipangano catyolwa. . . (Nda ka caambaula masiku ainda.) . . . alimwi uyo libambila tongo a kuba a sicinswe, alimwi uyo lya mubili wakwe, a kuumpwa ku mulilo.

314 Tamuzi na kuti Bbaibbele lya kati basimalela bamaato, a zintuzyonse zimbi, zyakati, “Maawe, maawe, oyo munzi mupati! Obo mbo wakaswaana kuloba kwawo mu oora lyomwe!” Mwabona?

Nkambo Leza wa bikka mu myoyo yabo ku kuzulizya luyando lwakwe, a kuzuminana, a kupa mami abo kubweendelezi bwa munyama, kusikila ijwi lya Leza lika zulizigwe.

. . . mwanakazi oyo ngo bona oyo munzi mupati, walo uyendelezya bami boonse ba nyika.

315 Mu ndaambile omwe. Russia ta yeendelezyi oonse pe. Ta tweendelezyi oonse pe. Kuli mwami omwe biyo oyo weendelezya oonse. . . mbuli oko kulela kwa butale ikwa Nebukadinezara mbo bwaka njila mu tunwe toonse. Oyo ngu Rome. Rome ta ciciti mbuli cisi; ila cicita mbuli mbungano. Acimwi cisi kungsi lya julu cili kuli Rome.

316 Ta cigambyi ba kati, “Nguni ukonzya ku mulwana?” Ula konzya kwaamba kuti, “Luumuno,” [Mukwesu Branham wanontola munwe wakwe lomwe—Mul.] eco cila cibamba. Aumwi muna Katolika ulati, “Nkuti, ‘Muta lwani,’” nkabela—nkabela bala leka kulwana. Kwa mana. “Nguni ukonzya kucita eco nca konzya kucita?” Taakwemuntu. Mbo mbubo. “Aboobo bala gambwa ku maleele nga konzya kucita.” Ula konzya kwiimika lumamba. [Mukwesu Branham wanontola munwe wakwe lomwe.] Cintu biyo nca elede kucita nkwaamba buyo kuti, “Amuleke.” Kwa mana. Pele muyeeya kuti uyo cicita? Nee ncobeni.

317 Amubone, eco cilatondezya ncobeni, “Beelede kujayana umwi aumwi. Beelede kujayana umwi aumbi.” Buta bwakwe tee bwaka jisi myuumba, kusaanguna, pele “cceba pati” lyakwe lyaka cita. Wa kacita kujaya kwakwe, kumane, a kucinca kuzwa ku mbizi iituba kuya ku mbizi iisubila; dyabulosi, nguwenya, ncobeni, a cceba lyakwe.

318 Ncinzi Jesu nca kaamba? Jesu wakati, “Abo babweza cceba bayo loba kwiinda kuli ndilyo.” Muta josyi kulwana. Mwabona? Jesu, ayo masiku cindi Na kaamba, wa kati, elyo Petro wakabweza cceba lyakwe. Mwabona? Kucita buyo mbuli Mbwa kacita, kuzumamana buyo.

319 Lino, lino amuyeeye, walo ujisi cceba. Uya buya, cceba mu janza lyakwe; katantide, mbizi iisubila, kacavwaila kwiinda mu bulowa bwa oonse oyo uta zuminani a nguwe.

320 Lino sena mwa cimvwisya? [Mbunga yaamba, “Ameni.”—Mul.] Mbangaye bamvwisya obo Cinamatizyo eco mbocibede lino? [“Ameni.”] Ncibotu. Lino, ncinzi Jesu nca kaamba? “Abo babweza cceba bayo loba kwiinda ku cceba.” Sa mbo mbubo? Ncibotu. Ncibotu. Oyu sikutanta a balelwa bakwe boonse ba bwami abo bali mukujaya muciiindi ca bukkalo, abo bakamwaya boonse bulowa obu bwa bakajailwa buzumini bwabo ibasalali, bayo jaigwa ku Cceba lya Jesu Kristo cindi Aku boola. “Abo babweza cceba bayo jaigwa kwiinda ku cceba.” Ba kabweza cceba lya kayanza kabuzumini a sikulwanakristo, a kugusya bakombi, beni bakasimpe, boonse muciiindi ca makkalo, ku, ee, mamilioni. Elyo cindi Kristo a kuboola Cceba, nkambo ndi Ijwi Lyakwe lizwa ku mulomo Wakwe, Uyo jaya sinkondo oonse uliko kumbele Lyakwe. Sena mula cisyoma? “Kujaya sinkondo.”

321 Atu sike awa aniini buyo, Ciyubunuzyo. Tula bona lino ikuti na Nda amba buyo eco, na Ijwi lila caamba. Ciyubunuzyo 19:11.

Elyo Nda kabona julu lijukide (ameni), a kubona mbizi iituba; elyo wa ka kkede ali njiyo wakali kutegwa Uusyomeka a Wabwini, alimwi mu bululami ula cita kubeteka a kucita lumamba.

Meso akwe akali...i mabangabanga aa mulilo, alimwi a mutwe wakwe... misyini minji;...

322 Oh, mukwesu! Wabona, Wa kasamikwa musyini kwiinda ku basalali Bakwe, yebo wabona.

...alimwi wa kajisi zina lilembedwe, eelyo lyatazizilwe ku muntu, pele...mwini.

323 Amuyeeye, ta—ta tukonzyi, ta tuzyi eelyo, mwabona, mbo libede. “Elyo wa kali samide...” Atu bone.

Elyo wa kali samide cikobela cinikidwe mu bulowa: nkabela zina lyakwe litegwa (kutali “li,” pele “tegwa”) I Ijwi lya Leza.

324 Nkambo, Walo a Ijwi bali bomwe. Mwabona? Lino amubone, kutali “mazina Akwe.” Uh huh! “Zina Lyakwe litegwa ‘Ijwi lya Leza.’” Li zyi biyo Zina lyomwe; kutali zina limbi.

Elyo impi zya ku julu, ezyo zyakali ku julu kazi mutobela aa mbizi zituba, kabasamide masani mabotu,

aatuba a kunjoloma. (Obo mbululami bwa basalali. Mwabona?)

³²⁵ Lino amulangilile. Ncinzi Jesu nca kaamba? “Oyo ubweza cceba . . .” Ncibotu, sikutanta mbizi iisubila, mpaawa mpa boola. “Oyo ubweza cceba . . .” Inga wakajaya bali mamilioni ali makumi ali cisambomwe ali lusele, mucindi ca makkalo aya, kuzwida eelyo; ndiza baina. Pele Jesu wakati, “Oyo ubweza cceba uyo loba kwiinda kuli ndilyo.” Amulangilile.

Elyo kuzwa ku mulomo wakwe ndi cceba libosya, . . .

³²⁶ Bahebrayo, cipati 4, lyakati, “I Ijwi lya Leza lilabosya kwiinda cceba lya mabemba obilo, akwalo kutenda ku mumpolyo wa cifuwa.” Elyo ncinzi Nco licita, Ijwi, kucita? “Ngu Sikutweluka wa miyeeyo ya moyo.” Mbubo.

. . .kuzwa ku mulomo wakwe ndi libosya mabemba obilo . . .cceba libosya, kuti andilyo akaumye masi: elyo uyo balela a musako wa butale: elyo ula lyataula cisinino cawaini ca kunyema kwa bukali bwa Leza Singuzuzyonse.

Elyo wa kali jisi aa cikobela cakwe alimwi a cibelo cakwe zina lilembedwe, MWAAMI WA MWAAMI, A MWAMI WA BAMI.

³²⁷ Mbuli basikuli cengeezya, kulwana Ijwi lya Leza, alimwi nkaambo teeba kazuminana, alimwi cintu eci. . .Saatani wakabikka, inguzu zikamantene aatunzenyu ezyo nzya kajisi, a inguzu zya kumuuya ezyo nzya kajisi, antoomwe, nkabela wakapanga mbungano eyo ifumpa mu cisi coonse. Elyo wa kabikka mamilioni taimuzi mamilioni . . .naka mana kusotoka kuzwa ku mbizi yakwe iituba, kuya a mbizi yakwe iisubila, nkabela wa kabweza cceba lyakwe a kuunka.

³²⁸ Pele Leza wakati, “A Cintu nciconya eco nca kapilinganya, na kusola ku, kwiinda ku kuyiisya kwabubeji; eelyo Ijwi ndilyonya liyo buka mu nguzu, kuzwa ku milomo ya Jesu Kristo, nkabela uyo mujaya, alimwi zintuzyonse kumbele Lyakwe.” Amen.

³²⁹ Nceeco Cinamatizyo Cabili. Mula Mu yanda na? [Mbunga yaamba, “Ameni.”—Mul.] Oh, ma! Obo ngu MBUBOUBU MBWAAMBA I MWAMI. [Mbunga yatangala kapati.] Akulumbwe kuli Leza! Ikuti na ezi zyoonse ziyubunuzyo zimbi, a zilengaano, a zintuzyonse, zya uma mbubonya buyo aa i—aa mbakani! Alimwi mbangaye bazi eco? Tambika janza lyako. Myaanda, boonse awa, a maanza abo mujulu. Mbo mbubo. Aboobo Eci ciyooba! Amuyeeye, cili boobo. Oh, mweenzuma!

Boola ku Kasensa ako kazwide Bulowa,
Buzwa ku nsinga zya Imanueli;

Oko basizibi nko badumpukila kungsi lya
zambangulwe,
Kusweekelwa twiimba toonse twa milandu
yabo.

³³⁰ Boola, syoma ali Nguwe, ikuti na tona cita. Uta bwezi ntenda ili yoonse; uta, uta, ikuti na kuli cintu cili coonse mu buumi bwako, mweenzuma.

³³¹ Tuli aano. Cintucimwi cilaafwi kucitika. [Mukwesu Branham wakonkomona aa cikambaukilo ziindi zylene—Mul.] Ta ndizi kaambo. Ta ndizi ciindi. Ndi lizi eco ciyo citika, pele Ta ndizi cindi niciyo citika. Pele ceelede kuba, nkaambo Uli muku ciyubununa ndyoonya lino. Ta citi cintu cili coonse cita Wa ciyubununa. Amosi 3. Ula ciyubununa, lutaanzi. Alimwi Wa kasyomezya kuti zintu ezi ziyo boola mu mazuba akumamanino. Elyo bukkalo bwa mbungano yaciloba, kumamanino aa mbubo, cindi mutumwa aku sika, mpaawo ciyooba. Ciyo yubununwa, ezyo Zinamatizyo zyaka namatulwa ziyo yubununwa, nkabe nzeezi Mbo zibede. Lino, omo mu Zina lya Mwami. Ko Ci syoma, mweenzuma. Iiyi, munene. Kozwa mu Babuloni!

³³² Ndi yanda kwaamba cintucimwi kakutanaba kujala. Nkambo, Ndi jisi. . . Ndiya busika buyo aa naini theeti. Calo nciindi ceelede ndyoonya lino.

³³³ Billy a Ndime, cindi ni twa kaseluka mu ndeke, mu India, lweendo lwesu lwamamanino okuya. Nda kali kulanga ku ii—ii pepa ndo bakaleta, lya kalembedwe mu Chikuwa. Elyo lyakati, “I muzuzumo wanyika weelede kumana; bayumi bali mukujokela.” Mpawo lya kapa tumpangaliko toonse. Ba. . . Kwakali cintucimwi cigambya cakacitika.

³³⁴ India tai jisi mabaya alukidwe mbuli mbo tucita. Ba bwezelela myaala, a kupanga mabaya abo. Elyo bala yaka bunji bwa maanda abo kubelesya myaala, kwii bikka buyo atala. Alimwi kula kasaala okuya, koonse, oh, kulikonse, kutandila muni, mu India, citakuti uli atala mu malundu. Elyo kwiinda moonse mu Calcutta a zintu, bantu bakkala buyo mu tugwagwa, akufwa nzala, abumwi.

³³⁵ Lino, aboobo, alimwi bala yaka maanda abo mu ngazi, ya maanda abo. Bala panga i—i lubaya atala awa eni, ku lubazu lwa maanza abo. Yaka ngazi ya maanda abo, a ngazi ndiza awo mpo bajisi mikalo yabo. Bala isya nkambo ka ng’ombe zyabo a zintu, mpawo kupanga mabaya abo kuzunguluka.

³³⁶ Elyo, mpoonya buyo, cintucimwi cakatalika kucitika. I bayuni baniini, nywebo mulizi, baunka mu myaala eyo, nkabela bala yaka ziteente zyabo a kukomezya bana babo. Elyo cintucimwi cakatalika kucitika.

³³⁷ Abuzuba, cindi kwa pya, ng’ombe zyoonse zilaboola antoomwe a kwiima kungsi ya cimvule ca malambo ayo; ku kutontwedwa.

338 Elyo boonse bayuni baniini bapona mu masena ayo. Elyo, cakufwambaana, boonse bayuni baniini, ku kambo kamwi katazizilwe. . . Lino, mulizi eco nco twa kaamba buzuba bumwi kujatikizya bayuni baniini. Mwabona? Ku kaambo katazizilwe, bala uluka. Elyo ba kaunka boonse, nkabela teebe kapilukila ku ziteente zyabo. Ba kaunka mu myuunda, alimwi ba kakkala mu masamu, alimwi kufumbwa nko bakali kukonzya kuunka, na mpoonya aansii.

339 I ng'ombe tii zyaka sika aabusena. I mbelele tii zyaka sika aabusena. Zya kakkala moonya mu muunda, a kugwambatilana kuli umwi aumwi. Eyo nje nzila mbotu yakucita. Ba kalizi kuti cintucimwi cakali kuyo citika.

340 Mpawo, mpoonya biyo, muzuzumo wanyika wakacitika, a kuzunganisizya ansii malambo, kuunsya mabaya, a zintuzyonse zimbi.

341 Mpawo bayuni baniini baka talika kupiluka. Teebe kapiluka kwa mazuba otatwe na one; mpawo baka talika kupiluka. Ba kati, "Ee, mizuzumo yanyika yeelede kumana lino; bayuni bali mukupiluka."

342 Nkaambonzi? Sena tamu syomi kuti Leza nguonya waka konzya kubamba bayumi a ng'ombe a mbelele, mu mazuba akwa Nowa, kunjila mu bwaato, Walo ucili Leza nguonya ukonzya kuba bamba kuuluka kuyo kwabililwa? Sa eco cili luleme? [Mbunga yaamba, "Ameni."—Mul.]

343 Lino anda ambe cintucimwi, mukwesu. Kuli cintucimwi cilaafwi kucitika. Elyo onse aya malambo, mapati akaindi aabupaizi aya kuwa, a kujokela nkoonya kulaale, a kuzumina. Nkaambo, bayo cicita, ca masimpe mbuli mbo Ndi imvwi awa. Kuli "cinkonzya kumunyama oyo," camasimpe mbuli mbo Ndi imvwi awa; alimwi cisi eci caka citola, kweendelana ku Ijwi Iya Mwami. Amuswiilile, cindi walimvwa bweenzu, obo buniini, ula tantamuka ku malambo ayo. Ko zwa! Uyo fwa omuya. Uta ciciti! Kozwa kuli ncico! Ko zwa ku zintu ezi zyoonse! Tijila kubukwabilizi, cakubinda mbuli mbo konzya. Kolomba luse kuli Leza.

344 Uta bwezi buyo, cimwi, "Ee, baama bakali ba Methodist, aboobo Ndi yeeyela kuti Njo bako. Bataata bakali ba Baptisti; Njo bako." Uta citi ceeco. Uta—uta bwezi ntenda imwi.

345 Ta ndikwe makani mbo Ci libonya buubauba a bubombe; Ndi Ijwi Iya Mwami. Ko tijila kuli Jesu Kristo cakubinda ncobeni mbuli mbo konzya, a kukkala okuya kusikila Leza wakuzuya a Muuya Uusalala Wakwe. Nkambo oora liyo sika cindi noya ku Li yandaula, nkabela Tali kabiko. Aboobo, koba masimpe kucicita.

Atu kotamike mitwe yesu, asyoonto buyo.

346 Taata Wakujulu, oh, Nda—Nda buyo, ziindizimwi, Mwami, ndaima awa alimwi—alimwi Nda kankama. Ndi yeeya elyo oora

libyaabi liya buza, alimwi Ndi . . . Kwiina nzila ya kuliimika. Lya kaambwa kuti liyo sika. Elyo Nda kayeeya zya, “Nkaambonzi bantu taba booli a—a—a kuswiilila? Elyo taba booli aku Li zumina?” Pele, mubwini, Ndi lizi kuti—kuti Wa—Wa kaamba kuti taba kaciti, aboobo taba kaciti.

³⁴⁷ Pele kuli bamwi bajisi mazina abo alembedwe mu Bbuku lya Buumi ilya Kabelele. Elyo ncindi Zinamatizyo zya waalwa kujulwa alya, bala bona mazina abo alya, alimwi Muuya Uusalala ula kanana kuli mbabo. Ba kasika. To konzyi kuba tantamuna; taakwe umwi ukonzya, taakwe umwi. Bali mukuboola, nekuba, nkaambo Uli mukuba sololela mbuli Mbo kacita bayuni abo baniini, a mbelele a ng’ombe. Nduwe Leza! Bupange bumwi bwakunyama banyama abo mbo bajisi, cakuti balizi kuti beelede kutantamuka! Elyo ikuti na bupange bumwi bwabulenge, ku cinyama, bula konzya kuba cenjezya kutija ntenda, ino ncinzi Muuya Uusalala nco weelede kucita ku Mbungano eyo itaminina kuzuzigwa Nguwo!

³⁴⁸ Leza, kotu fwida luse. Kotu lekelela toonse, Mwami, tumpenda twesu. Ta tukanzi kwiima awa a cikambaukilo eci a kulekela aba bantu kwiima ku malambo koonse, a maulu abo kaacisa, elyo mpawo kuzwa buyo a kwamba, “Ee, eco calimvwisya kabotu loko.” Mwami, tu yanda kucita cintucimwi kujatikizya ncico. Tu, tu yanda kuti Uli ngule myoyo yesu. Ikuti na kuli cintu cilubide, Mwami, kotu zibya lino. Akaka uta lekeli oora elyo kusika, kutala okuya, cindi nocimanide kale. Kondi lingula. Ndiso leke, Mwami.

³⁴⁹ Mpaawa, Nda ima awa ku luzyalo lwa Leza, mukubona ezyo Zinamatizyo kazinamatulwa kutala okuya, a kuboola, kwaambila bantu. Cindi, Wa ka caamba kuti ciyo citika munzila eyi, mvwiki zyainda. Elyo lino, Taata, Nceeci we, nkoonya kumbele lyesu.

³⁵⁰ Lino, Mwami, ndiso leke. Kondi lingula. Kondi lingula, mu moyo wangu. Mwami, ta tu . . . Tu, tu yanda kuti Ula nge mu maumi esu. Elyo ikuti na kuli cintu cimwi omuya, eco cita luleme, kocikanana buyo kuli ndiswe, Mwami. Tu yanda ku cilulamika, ndyoonya lino; ndyoonya lino, kuciindi nokucili Kasensa kazwide Bulowa, kuciindi nikucili ii—ii musamu usalazya kuti ukonzye kusanzya zibi a kutasyoma kwesu. Tu yanda kudumpukizya buntu bwesu kungsi lya boobo; koonse kutasyoma kwesu. Leza, gwasya kutasyoma kwesu; ko kugwisya kuzwa kuli ndiswe, Mwami.

³⁵¹ Tu yanda kutambula luzyalo lwa kukwempwa. Tu yanda kukonzya, cindi oyo Muzuzumo uusisidwe wandindima kutala okuya, a Mbungano yatolwa kujulu, tu yanda kuli bambila Ku tambula. Mwami, ko cipa.

³⁵² Tu soleke, Mwami, kwiinda ku Ijwi Lyako. Tulekele kulanga muli Ndilyo.

353 Elyo ikuti na twa bona kuti twa kakilwa, ikuti na kuli baabo awa, Mwami, baka bbizigwa mu mabande, mukutaziba cintu kujatikizya lubbizyo, lwini lwakasimpe, akube kuti Ndibe mbuli uusyomeka mbuli Paulo, cindi na kaina atala lya nkomwe yaku Efeso, nkabela wa kajana basikwiiya kabakwiila, a koongolola, a kuba ciindi cabulemu, wa kabaambila kuti, “Sa mwakatambula, kale, Muuya Uusalala kuzwida ni mwakasyoma?”

Teeba kazi naa kwakali umwi.

Wa kati, “Mpawo mwa kabbizigwa buti?”

Elyo baka bbizigwa kwiinda kuli oyo musinsimi, uusalala wabulemu, pele baka bbizigwa ku kweempwa.

354 Mpawo baka bbizigwa lwabili, mu Zina lya Jesu Kristo. Elyo Paulo waka balailila ku bbizigwa, lwabili.

355 Mwami, mu Mumuni wa Ijwi Lyako: Nda lailila muntu aumwi, oyo utana bbizigwa mu Zina lya Mwami Jesu Kristo, u bindaanina ku meenda, cakufwambaana, kuciindi nokucili ciindi ceede. Nywebo nomutana zuzigwa a Muuya Uusalala, Nda mulailila, mu Zina lya Mwami Jesu Kristo, kuwida ku mazwi anu, Alimwi kuta buka kusikila Muuya Uusalala wamu salazya cakumaninina a ku muzuzya a luyandisyo Lwakwe a bubotu, kusikila buntu bwanu bwakkutila kapati mu Busyu bwa Leza kuteeti kuyandisya kwanu koonse kube kwaku Mu belekela, a kweendela Nguwe, a kukutauka a Nguwe, boonse buumi bwanu busyeede.

356 Ko cipa. Nda komba kuti Leza uyo mupa kulailila oku, mu Zina lya Jesu Kristo.

Nda Mu yanda, Nda Mu yanda

Nkaambo Wa kasaanguna kundi yanda

Sena mula Mu yanda ncobeni? Lino amu tambike maanza anu mujulu.

A kuula lufutuko lwangu

Aa cisamu ca Kalivari.

357 [Mukwesu Branham watalika kung’ung’una *Nda Mu Yanda*—Mul.] Ikuti kuli umwi uukkede, oyo ulimvwa kubula kwakwe sunumasiku, limvwa kuti bayandika kubbizigwa, na bayanda lubbizyo lwa Muuya Uusalala. Uli zyi kubalala kwako; kwa yubununwa kuli nduwe, alimwi uyanda kwiibalukwa mu mupailo. Taakwe umwi wesu ukonzya Kuu pa kuli nduwe. Oh, inga twa kubbizya. Pele, cintu luzutu, ta tukonzyi kukupa Muuya Uusalala. Leza ngu cita ceeco, alikke. Pele walimvwa kubula kwako, kuti Leza ula kanana ku moyo wako, kuti ula Uyanda, alimwi uyanda kuti tu kwiibaluke mu mupailo. Sa inga waimikila, kutegwa tukonzye kukuziba, kuziba kuti nduweni? Leza aku longezye. I kubula? I Mwami amu longezye.

358 Ndi yeeyela kuti bali mwaanda amakumi osanwe, ndiza, baimvwi awa. Ndiza kuli mbuli boobo, ikuti na Nda konzya

kubona boonse. Ta ndizi bali mu twaanda, aanze oonse, batambikide maanza abo mujulu, abamwi bambi. Pele ujisi kubula.

Lino atu paile.

³⁵⁹ Lino, yebo nobwene abo bantu baimvwi muni lyako. Elyo baliimvwi mbuli kamboni, kumbele lya Kristo, “Nda—Nda—Nda Ku bula, Mwami. Nda Ku bula. Nda—Ndila syoma Ndili—Ndili umwi wabaabo bayo jana zina lyangu sunumasiku kunze lya Cinamatizyo eco kutala okuya, eelyo lyaka bikkwa Okuya kuzwa ku malengelo aa inyika. Cintucimwi cauma moyo wangu, nkabela Ndi liimvwi, Mwami. Sa ndime? Sena Ula ndiita? Ndi yanda Nduwe kuyubununa, kuli ndime, zina lyangu kutala Okuya. Kondi zuzya, a kundi namatikila muli Lwako, kwiinda ku Muuya Uusalala.” Nywebo nomwa kanamatikwa kale mukati, Ndi yanda kuti mwiimikile. Amu cengulukile kuli mbabo, a kubikka maanza anu ali mbabo, ku kubapailila. [Mukwesu Branham wapumuzya—Mul.] Lino amusinizye cakumaninina. [I mbunga yoonse yatalika kupaila.]

³⁶⁰ Taata Wakujulu, mu Zina lya Mwami Jesu, lekela Muuya Uusalala mulemu keenda atala a bbunga eli, mbuli guwo lyuungisya, a kwiita moyo woonse awa, Mwami. Elyo selusya lubbizyo lwa Muuya Uusalala, atala a bantu aba.

Alimwi kuli meenda alindila.

³⁶¹ “Kuciindi Petro nakacili kwaamba majwi aya, Muuya Uusalala waka bawida abo bakamvwa Ijwi, nkabela boonse baka zuzigwa Muuya Uusalala.”

[I mbunga yoonse yazumanana kupaila—Mul.]



I CINAMATIZYO CABILI TNG63-0319
(The Second Seal)

MATOBELANWA AA CIYUBUNUZYO CA ZINAMATIZYO ZILI CILOBA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwabili mangolezya, Miyoba 19, 1963, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org